

本經逢原一

觀如讀

文 化 甲 子 孟 夏 翻 刻

長菴前田先生訂正

本經逢原

東都書肆

亦西齋藏板

本經逢原小引

醫之有本經也。猶匠氏之有繩墨也。有繩墨而後有規矩。有規矩而後能變通。變通生乎智巧。又必本諸繩墨也。原夫炎帝本經。繩墨之創始也。大觀證類。規矩之成則也。瀕湖綱目。成則中之集大成。未能達乎變通也。譬諸大匠能與人規矩。不能與人智巧。能以智巧與人。達乎變通之道者。黃帝靈素之文也。能以炎黃之道。隨機應用。不爲繩墨所拘者。漢長沙一人而已。長沙以天縱之能。一脈相承。炎黃之道。信手皆繩墨也。未聞炎黃而外別有繩墨也。嘗思醫林學術。非不代有名人。求其端本澄源。宗乎本經主治者。玉函金匱而外。未之聞也。長沙已往。唐逸士千金方。獨得其髓。其立方之峻。有過於長沙者。後世未由宗之。以故集本草者。咸以上古逆順反

激之用槩置不錄。專事坦夷以適時宜。其間貧貧固無足論。卽瀕湖之博洽今古者。尚爾舍本逐末。僅以本經主治冠列諸首。以爲存羊之意。惟仲淳繆子開鑿經義。迥出諸方。而於委宛難明處。則旁引別錄等說。疏作經言。朱紫之混。能無戾乎。昔三餘齋子有本經註疏一冊。三十五年前。於念我先生齋頭。曾一寓目。惜乎未經刊布。不可復覩。因不自揣。聊陳鄙見。略疏本經之大義。并系諸家治法。庶使學人左春逢原。不逾炎黃繩墨。足以爲上工也。上工十全六。不能盡起白骨而生之。吾願天下醫師。慎勿妄恃己長。以希苟得之利。天下蒼生。確遵有病不治。常得中醫之戒。跳出時師圈績。何繩墨之可限哉。

康熙乙亥春王石頑張璐書於雋永堂時年七十有九

本經逢原目錄

卷之一

水部

諸水

火部

諸火

土部

諸土

金部

金

自然銅

鉛粉

赤銅

古文錢

鉛丹

銅青

鉛

蜜陀僧



錫

鐵精

石部

玉

紫石英

水銀

雄黃

滑石

無名異

浮石

代赭石

曾青

鐵落

鐵繡

雲母

丹砂

輕粉

雌黃

石脂

石鍾乳

附孔公孽

陽起石

禹餘糧

綠青

鐵砂

白石英

銀硃

靈砂

石膏

粗理黃石

爐甘石

石灰

慈石

空青

扁青

石膽

礬石

砒石

礞石

花蕊石

河沙

石燕

石蟹

蛇黃

附蛇  
含石

霹靂礧

鹵石部

食鹽

戎鹽

即青  
鹽

鹵礧

凝水石

玄精石

朴硝

玄明粉

風化硝

硝石

礪砂

蓬砂

石硫黃

礬石

綠礬

山草部

甘草

黃耆

人參

沙參

葳蕤

天麻

狗脊

遠志

玄參

紫參

白及

胡黃連

柴胡

防風

升麻

桔梗

知母

白朮

貫衆

淫羊藿

地榆

紫草

三七

黃芩

銀柴胡

獨活

苦參

黃精

肉蓯蓉

蒼朮

巴戟天

仙茅

丹參

白頭翁

黃連

秦艽

前胡

羌活

白蘚皮



延胡索

白茅根

杜衡

卷之二

芳草部

當歸

蛇牀

白芍藥

木香

高良薑

白豆蔻

萹芩

貝母

草龍膽

白微

芎藭

藁本

赤芍藥

甘松香

草豆蔻

縮砂蜜

蒟葉

山慈姑

細辛

白前

撫芎

白芷

牡丹皮

山柰

草果

益智子

肉豆蔻

補骨脂

蓬莪茂

茉莉

薰香

馬蘭

荆芥

水蘇

隰草部

菊

青蒿

夏枯草

青箱子

薑黃

荆三稜

排草

蘭香

香薷

紫蘇

薄荷

艾

菴蔚

劉寄奴

紅藍花

鬱金

香附

藿香

浮蘭

爵牀

蘇子

茵陳蒿

微銜

旋覆花

臙脂

大薊小薊

芋根黃蔴

蒼耳

豨薟

甘蕉

木賊

生地黃

牛膝

萱草

蜀葵花

酸漿

鼠麴草

續斷

胡蘆巴

天名精

箬

蘘荷

石龍芻

乾地黃

紫菀

淡竹葉

秋葵

敗醬草

决明子

漏蘆

惡實

鶴虱

蘆根

麻黃

燈心

熟地黃

麥門冬

冬葵子

龍葵

欵冬花

地膚子

瞿麥

車前子

鱧腸草

藍寶 大青 小青

篇蓄

穀精草

半邊蓮

毒草部

大黃

狼牙

大戟

續隨子

王不留行

馬鞭草

連翹

青黛

白蒺藜

海金沙

地丁

商陸

防葵

澤漆

葇岩子

葶藶

光明草

陸英

麥子

沙苑蒺藜

地椒

見腫消

狼毒

藺茹

甘遂

蓖麻子

常山

蜀漆

藜蘆

附子

川烏

天雄

側子

草烏

射罔

白附子

天南星

半夏

蚤休

鬼臼

射干

玉簪根

鳳仙子

曼陀羅花

羊躑躅

芫花

堇花

莽草

茵芋

鈎吻

蔓草部

兔絲子

五味子

覆盆子

使君子

水鼈子

馬兜鈴

青水香

預知子

牽牛

紫葳

施花

薔薇營實

月季花

栝蒌實

栝蒌根

土瓜根

葛根

天門冬

百部

何首烏

草薺

土茯苓

白斂

山豆根

黃藥子

白藥子

威靈儂

茜草

防己

木通

通草

鈎藤

木蓮

紫葛

葎草

忍冬

清風藤

藤黃

水草部

澤瀉

羊蹄根

石菖蒲

蒲黃

蓴

石草部

石斛

景天

苔草部

陟釐

馬勃

卷之三

穀部

諸米

胡麻

苦草

海藻

骨碎補

石胡荽

石藥

倒掛草

諸麥

亞麻

水萍

昆布

石葦

地錦

卷栢

苔

諸豆

麻子仁

薏苡仁

蒸餅

醋

菜部

韭

蒜

蕪青

乾薑

蘄菜

同蒿

馬齒莧

落葵

嬰粟殼

神麴

酒麴  
紅麴

酒

蘆

雲薑

萊菔

胡荽

菠薐菜

芥苳子

翻白草根

葳菜

阿芙蓉

飴糖

葱

白芥子

生薑

藿香

薤菜

莧子

蒲公英

蕨



黃獨

茄

越瓜

絲瓜

石花菜

香蕈

麻菇  
雞縱

果部

李根白皮

桃仁

梨

柰

安石榴

薯蕷

苦瓠

胡瓜

苦瓜

木耳

土蕈

杏仁

栗

木瓜

林檎

橘皮

百合

冬瓜子

南瓜

紫菜

桑耳

梅

棗

山楂

柿蒂

青皮

橘核

橘葉

柑

橙

柚

柑  
櫞

金橘

枇杷  
葉

楊梅

櫻桃

銀杏

胡桃

長生果

買買葡萄

橡實

榭皮

荔枝

龍眼

檄欖

榧子

松子

檳榔

大腹子

大腹皮

馬檳榔

無花果

枳椇

水果部

西瓜

瓜子仁

甜瓜蒂

甜瓜子

葡萄

甘蔗

沙糖

石蜜

蓮藕

蓮實

石蓮子

蓮鬚

蓮房

荷葉

芡實

芡實

烏芋

慈姑

味部

蜀椒

秦椒

椒目

豬椒根

胡椒

畢澄茄

吳茱萸

食茱萸

茗

香木部

栢子仁

栢葉

松脂

松節

杉

肉桂

桂心

牡桂

筒桂

桂枝

丁香 丁皮

降真香

楓香脂

麒麟竭

龍腦香

蘆薈

喬木部

黃蘗 小蘗

椿樗根皮

梧葉 皮

川棟子

辛荑

旃檀

烏藥

薰陸香

安息香

樟腦

沈香 蜜香

紫檀

茴香

沒藥

蘇合香

阿魏

厚朴

乾漆

桐實

槐實

杜仲

梓白皮

海桐皮

槐花

秦皮

合歡皮

皂莢

皂角刺

肥皂莢

無患子

沒石子

訶梨勒

柳華

檉柳

水楊

榆根白皮

蕪荑

蘇方木

樺木皮

櫻櫚

烏柏根

巴豆

大楓子

相思子

灌木部

桑根白皮

桑椹

桑葉

桑枝

柘根白皮

楮實

枳殼

枳實

枸橘

梔子

酸棗仁

白棘

蕤仁

山茱萸

金櫻子

郁李子

鼠李子

女貞實

枸骨

衛矛

南燭

五加皮

枸杞

地骨皮

溲疏

石南

牡荊

蔓荊子

紫荊皮

木槿皮

芙蓉

山茶

蜜蒙

木棉

柞木

黃楊

放杖木

接骨木

寓木部

茯苓

茯神

琥珀

豬苓

雷丸

桑寄生

松蘿

苞木部

竹葉

笋

藏器部

錦

鑿柄

漆器

敗鼓皮

卷之四

蟲部

蜂蜜

竹茹

竹黃

褲襠

弓弩弦

燈盞油

蜜蠟

竹瀝

震燒木

裹脚布

敗蒲扇 蒲蓆

炊單布

露蜂房

蠟螭

蟲白蠟

紫鈔

五倍子

桑螵蛸

雀甕

原蠶蛾

白殭蠶

蠶繭

蠶退

蠶沙

九香蟲

雪蠶

蜻蛉

樗雞

芫青

蟹螯

葛上亭長

地膽

蜘蛛

壁錢

蠶

水蛭

蛆

狗蠅

蟻螯

桑蠹蟲

桃蠹蟲

蚱蟬

蟬脫

蜚螋

天牛

螻蛄

螢火

衣魚

鼠婦



蠱蟲

蜚蠊 即蠹蟲

蟾蜍

蟾酥

蟹蟄

蛙

蝌蚪

蜈蚣

蚯蚓

蝸牛

龍蛇部

龍骨

龍齒

龍角

鼈甲

鮫鱧甲

石龍子

守宮

蛤蚧

蛇蛻

蚺蛇膽

白花蛇

烏蛇

蝮蛇

魚部

鯉魚

鱣魚

青魚

連魚

濶口魚

鱚魚

白魚

石首魚

白鯊

鱧膠

勒魚

鱒魚

嘉魚

鯧魚

鯽魚

石斑魚

鱠殘魚

海粉

燕窩

鱸魚

鰕魚

鱧魚

鰻鱺

鱖魚

甲魚

鱣魚

鱖魚

黃頰魚

江鱗

河豚

江豚

比目魚

鮫魚

烏賊骨

鮑魚

海馬

蝦

介部

龜版 膽汁

龜甲

牡蠣

石決明

蛭

貝子

海蠃 甲煎

郎君子

禽部

鶴頂

鷓鴣

鴨

玳瑁

蟹

蚌

文蛤

魁蛤殼 即瓦楞子

石蚶

田蠃

鴉

鴉

鸛骨

鵝

鳧

鼈甲

鱉

真珠

蛤蜊

車螯

淡菜

寄居蟲

鴉

鴉

鵝

雁

雞

雉

鷓鴣

鶯

五靈脂

鸚鵡

鷹尿白

鴉

獸部

豬

羖羊角

驢

酥

烏鴉

鴉

雀卵

斑鳩

啄木鳥

鴟

鴟休

狗

牛

駝

阿膠

鵲

鴿

伏翼

伯勞

鷓鴣

鴟

鳩

羊

馬

酪

黃明膠

牛黃

狗寶

獅油

虎骨

象皮

犀角

熊脂

熊膽

麝羊角

山羊血

鹿茸

鹿角膠

鹿胎

麋茸

麋鹿肉

麝

麝香

貓

狸

獐

兔

狐

水獺肝

山獺莖

膾肭臍

鼠

刺蝟皮

人部

髮

頭垢

乳汁

爪甲

人牙

人中黃

金汁

乾糞灰

溺

溺白堊

秋石

紅鉛

天靈蓋

人胞

胞衣水

初生臍

胎元

雖大醇不免小疵其引證精確論

解精當學識已不可及宜為孟英

所嘉許 癸亥自述摩

此卷與鄒氏本草疏證並稱佳本勝

李氏綱目多矣 甲戌自撰 臣時年六十有九

本經逢原卷一

清 長洲石頑張 璐路玉父纂述

男

登誕先 倬飛疇 參訂

日本 大泉長菴前田安宅子仁

男

典子守 再訂


水部

諸水 古人服藥必擇水火。故凡湯液多用藉汲井華水。取  
天真之氣浮於水面也。宜文火煎成。候溫煖緩服之。金匱云。  
凡煮藥飲汁以解毒者。雖云救急不可熱飲。諸毒病得熱更  
甚。宜冷飲之。此言治熱解毒及辛熱藥味當確遵此例。一切  
調補藥。即宜溫飲。苦寒祛火藥。則宜熱飲。熱因寒用之法也。

本經逢原卷一

水部 諸水

思得堂藏



○仲景煎實脾藥。作甘瀾水。揚之萬遍。取其流利不助腎邪也。○杓楊百遍。名百勞水。取其激揚以除陳積也。成無已曰。仲景治傷寒。瘀熱在裏身黃。麻黃連軹赤小豆湯。煎用潦水。取其味薄不助溼熱也。○以新汲水煮沸如麻。名麻沸湯。取其輕浮以散結熱也。○以水空煎候熟極。煮藥。名清漿水。取其下趨不至上涌也。○服涌吐藥用蠶水。取其味濁引疾上竄。以吐諸痰飲宿食。酸苦涌泄為陰也。○煎蕩滌邪穢藥。用東流水。本經云。東流水為雲母石所畏。鍊雲母用之。○煎利水藥。用急流水。取性走也。○煎水逆嘔吐藥。用逆流水。取其上涌痰涎也。○煎陽盛陰虛目不得瞑藥。用千里流水。取其性之疾瀉也。○煎中暑神昏藥。及食楓樹菌笑不止。用地漿水。急掘墻陰地作坎。取救垂絕之陰也。○煎中暑亡汗藥。及



霍亂泄利不止。用酸漿水。

糯米釀成點乳餅者。或水磨作內點真粉之酸水亦可。

取枚

欲脫之陽也。○黃霏雨水洗瘡疥滅斑痕。○白露雨水洗肌

面減顏色。○秋露質清止癰除煩。○臘雪氣羶助陽攝火治

天行時氣瘟疫解丹毒。○雹水性暴動風發癲。○夏冰陰凝

發疔成痞。○栢葉菖蒲上露並能明目。○韭葉上露去白癩

風。○靈霄花上露能損人目。○浸藍水解毒殺蟲。誤吞水蛭

腹面黃者。啜此水蟲下即安。○瓶中養花水有毒傷人。臘梅

者尤甚。○鹵水鹹苦大毒。凡蝕蠱疥癬及毒蟲生子入肉者

塗之即化。但瘡有血者不可塗之。六畜食一合當時死人亦

然。○生熟湯入鹽微鹹。霍亂者飲一二升。吐盡痰食即愈。○

方諸水。大蚌水也。向月取之。得至陰之精華。故能明目。止渴

除煩。湯火瘡敷之有效。○上池水。竹籬頭上水也。長桑君飲

扁鵲能洞鑑藏府。見垣一方人。○東阿井水煎烏驢皮膠。治逆上之痰血。○青州范公泉造白丸子。利膈化痰。二者皆濟水之分流也。○至若占塚廢井。澤中停水。山巖泉水。有翳。及諸水經宿。面有五色者。皆有毒。非但不可服食煎藥。卽洗滌亦忌之。

### 火部

諸火 北方炊食都用煤火。以地屬坎。足勝其氣。且助命門真火。人食煤火。長氣於陰。所以膂力强壯。南人食之。多發癰毒。受其毒者。以蜚汁解之。然煤火處。置大缸水於旁。則毒從水解。○南方炊食都用薪火。人食薪火。長氣於陽。氣多輕浮不實。不似北方之稟氣剛勁也。○凡煎補藥。文火緩煎。瀉藥武火急煎。煎膏用桑柴火最良。抱朴子云。一切神仙藥。不得

桑柴不服。然不若煎收並用文火。則不傷藥性。○上古炊食。都用燧火。是爲陽火。今皆擊石取火。則陰火也。用以炊食。猶之可也。若點艾炷。尤非所宜。灸艾宜取太陽真火。否則真麻油燈。艾莖點於炷上。則灸瘡至愈不痛。○神鍼火治寒溼痺附骨陰疽。凡在筋骨隱痛者鍼之。火氣直達病所。○燔鍼卽燒鍼。病在經筋所發諸痺。用之其効最捷。經云。治在燔鍼劫刺。以知爲度。以痛爲愈。○馬矢燼煨風痺藥。取其性緩。通行經絡也。○葦薪火炊瀉陽藥。取其輕揚。不損藥力。二者皆內經法也。○燈火焮小兒諸驚。及頭風腦痛。風痺緩急。以油能解風毒。火能通經絡也。○燈花治小兒邪熱在心。夜啼不止。以二三顆燈心湯調。抹乳吮之。○燭燼治疔腫。同胡麻鍼砂等分爲末。和醋敷之。治九漏。與陰乾馬齒莧等分爲末。和臘

豬脂敷之。取烏柏之餘力。以化反肉也。○至於烟草之火。方書不錄。惟朝鮮誌見之。始自閩人吸。以祛瘴。向後北人藉以辟寒。今則遍行寰宇。豈知毒草之氣。熏灼藏府。遊行經絡。能無壯火散氣之慮乎。近日日科內障丸中。間有用之。獲効者。取其辛溫散冷積之翳也。不可與冰片同吸。以火濟火。多發煙毒。不可以藤點吸。恐其有蛇虺之毒也。吸煙之後。慎不得飲火酒。能引火氣薰灼藏府也。又久受煙毒。而肺胃不清者。以砂糖湯解之。烟筒中脂污衣上。滌之不去。惟嚼西瓜仁揉之。卽淨。其滌除痰垢之力。可知。世以瓜子仁生痰。不亦謬乎。

### 土部

諸土。脾土喜燥惡溼。故取東壁太陽所照之土。引真火生發之氣。補土而勝溼。則吐瀉自止。用以制藥。皆爲脾胃之引。

道耳。昔人以東壁土調水。治小兒嗜食泥土之病。取土入蟲口而祛之。下行也。○道塗中熱土。治夏月暈死。取溫以散熱也。若沃以冷水。虛陽立鎊。死不救矣。○白堊土。苦溫無毒。本經主女子寒熱癥瘕。月閉積聚。取土之間氣。以祛婦人間廁之積也。千金治婦人帶下等疾者。以土能勝溼。而白則兼入氣分也。惟邯鄲者爲勝。○黃土。甘平無毒。乃中央正色。不占穢漬。故色不黑。治泄利冷熱赤白。腹內絞痛下血。解諸藥毒。閉口椒毒野蕈毒。○蚯蚓泥。治小兒陰囊熱腫。取寒能解毒也。熱病讖語狂亂。無燥結可攻者。蚯蚓泥涼水調服。○蜣螂轉丸土。治反胃吐利霍亂。湯淋絞汁飲之。醋調塗項上癭瘤。○土蜂窩上細土。主頭風腫毒及蜂蠆傷。醋和傅之。○胡燕窩土。主風瘙癢疹。及惡刺瘡。浸淫瘡。並水和傅之。小品治溼

瘍疥瘡。外臺治蠹蝮尿瘡。千金治療疽丹毒。○鼠壤土。通腎  
氣。解毒邪。取其搜風達竅也。○蟻垤土。下胞衣死胎。炒熱搗  
心下自出。○燒尸場上土。治好魘多夢。置枕中。并塗關元及  
臍。○螺螄泥。主反胃吐食。取螺螄一斗。水浸取泥曬乾。每服  
一錢。火酒調服。○犬屎泥。治妊娠傷寒。塗腹保胎。○井底泥。  
治妊娠熱病。塗胸臍丹田護子。并治湯火燒瘡。○伏龍肝。乃  
竈心赤土。本經云。味辛微溫。主婦人崩中吐血。千金名金月  
下土。言正對金臍處也。然必日用炊飯者良。若煮羹者味鹹。  
不堪入藥。止欬逆吐血。消癰腫毒氣。蓋以失血過多。中氣必  
損。故取微溫調和血脈也。消癰腫毒氣者。辛散熨堅也。日華  
子主催生者。取溫中而鎮重下墜也。其胎漏不止。產後下利。  
並宜煮水澄清去滓。代水煎藥。取溫土藏和營血也。千金方

治中風口噤。狂不識人。並用攪水澄服。又久利不止。橫生逆  
產。胞衣不下。皆醋調塗臍腹效。小兒重舌。和苦酒塗之。發背  
酒調厚敷。乾卽易。平乃止。杖瘡腫痛。香油調塗。灸瘡腫痛。煑  
水熱淋。皆孫真人法也。外臺治一切癰腫。和蒜泥貼。乾再易  
之。○百草霜燒百草之煤也。止血散瘀。上下諸血悉主之。又  
陽毒發斑。取溫以解毒散火也。○金臍墨。治陽毒發狂黑奴  
丸中用之。千金治卒中惡。卒心痛。舌卒腫大等患。又下胎死  
方。用百草霜二錢。伏龍肝五錢。爲細末。酒調童便服二錢。少  
頃再服。三服卽下。○梁上塵。一名烏龍尾。治妊娠胎動。橫生  
逆產。及金瘡鼻衄。疔腫惡瘡。小兒赤丹。取其輕浮以散。久積  
之氣也。○清煙墨灰。止吐衄血逆上行。或生藕汁。或萊菔汁。  
或鮮地黃自然汁磨服卽止。然須燒灰出火毒用之。但勿用

乾地黃和水搗磨。栢葉汁甘蕉汁咸非所宜。往往止截後有  
瘀積之患。飛絲入目及一切塵物入目。磨濃墨點之自出。或  
燈心蘸墨汁頻捲之。○砂鍋取年久炊食者。研細水飛。治黃  
腫積塊。酒服五錢。潞州者佳。○孩兒茶。一名烏參泥。性澀收  
斂。止血收溼。為金瘡止痛生肌之要藥。○白磁器研細水飛。  
傳癰腫可代鍼砭。又點目去翳。○糞坑底泥。治背瘡疔腫癰  
毒。陰乾為末。新水調敷。其痛立止。○坑坭同蟬蛻全蠶末作  
餅。香油煎滾溫服。以滓傅疔四圍。其疔自出。

金部

金 生金辛平有毒。金箔無毒。

發明 金能制木。故可療驚癇風熱肝膽之病。然須為箔。庶  
無重墜傷中之患。紫雪方用赤金葉子煎水。取制肝降痰逆。



也。若成塊錠金及首飾之類。非特無味。且有油膩。良非所宜。  
○銀箔功用與金不殊。但入氣分。不入血分。稍為不同。肘後  
方治癰腫。五石湯用之。

赤銅

苦平微毒。

發明 賊風反折。以赤銅五觔。燒紅內二斗酒中。百遍服五  
合。日三服。以効為度。赤銅落。乃打銅落下之屑。與自然銅同  
類。故亦能接骨。煨赤醋沃七次。同五倍等。則染鬚黑潤。藏器  
曰。赤銅屑能鐸人骨。及六畜有損。細研酒灌。直入骨損處。六  
畜死後取骨視之。猶有鐸痕可驗。

銅青

酸苦平小毒。

發明 銅青藉醋結成。能入肝膽二經。以醋醮搽喉中。則吐  
風痰。為散療喉痺牙疳。醋調揩腋下。治胡臭。薑汁調點爛沿

風眼去疳殺蟲。所治皆厥陰之病。

自然銅 辛平小毒。火煨醋淬七次。置地七日出。火毒水飛

用。銅非煨不可入藥。新煨者火毒燥烈。慎勿用之。

發明 自然銅出銅坑中。性稟堅剛。散火止痛。功專接骨。骨

接之後。即宜理氣活血。庶無悍烈傷中。走散真氣之患。<sup>上</sup>

古文錢 辛平小毒。

發明 古錢以生薑汁塗。刮青點目。去障消瘀。散赤腫。一點

即愈。但初點熱淚。蔑面。然終無損。惟作瘡者。與肝腎虛而內

障生花者。不可用也。婦人逆產五淋者。汁用之。便毒初起。與

胡桃肉同嚼。食二三枚。即消。便毒屬肝。金伐木也。

鉛 一名黑錫 甘寒無毒。凡用取未經銀冶新鉛。鎔淨去渣。再鎔

成液。同硫黃煨。如焰起。以醋洒之。候成黑灰。研之不黏滯。為

度如煨不透服之令人頭痛以陰降太速陽火無依故也  
發明 鉛稟北方癸水之性陰極之精內通於腎故局方黑  
錫丹宣明補真丹皆用之得汞交感即能治一切陰陽混淆  
上盛下虛氣升不降噎膈反胃嘔吐眩暈諸疾又槌成薄片  
置燒酒中半月許結成白霜取其酒徐徐飲之降陰火最捷  
但性帶陰毒恐傷心腎不可多服鉛性入肉故女子以之絀  
耳孔即自穿

鉛粉

一名胡粉

辛寒無毒

本經治伏尸毒螫殺三蟲

發明 部粉與黃丹同類內有豆粉蛤粉而無硝鹽但入氣  
分功專止痛生肌亦可入膏藥代黃丹用本經治伏尸毒螫  
殺三蟲者取鉛性之重以鎮攝其邪金匱甘草粉蜜湯治虻

病吐涎心痛。專取胡粉殺蟲。甘草安胃。蜜以誘入蟲口也。陶弘景云。療尸蟲彌良。

鉛丹 一名黃丹 辛微寒無毒。

本經治吐逆胃反。驚癇癲疾。除熱下氣。

發明 鉛丹體重性沉。味兼鹽礬而走血分。能墜痰止瘧。本

經言止吐逆胃反。治驚癇癲疾。除熱下氣。取其性重以鎮逆

滿也。仲景柴胡龍骨牡蠣湯用之。取其入膽以祛痰積也。但

內無積滯誤服。不能無傷胃奪食之患。傳瘡長肉墜痰殺蟲。

皆鉛之本性耳。目暴赤痛。鉛丹蜜調貼太陽穴立効。

蜜陀僧 鹹辛平小毒。

發明 此感鉛銀硝石之氣而成。其性重墜直入下焦。故能

墜痰截瘧。療瘡腫。治驚氣入心包絡。瘖不能言語者。用蜜陀

僧未一七。茶清調服卽愈。驚則氣亂。取重以去怯而平肝也。但入口則漾漾欲吐。以陰毒之性能傷胃氣也。聖惠方鼻齮赤皴。蜜陀僧細研。人乳調。夜則塗之。丹方治背瘡初起。以醋煨七次。桐油調圓。患處卽消。同枯礬治汗癩體氣。合五倍子。染髭鬚。同鷹屎白滅癩痕。水磨服解砒霜硫黃毒。

錫 辛寒微毒

發明 錫爲砒母。故新造錫器不可盛酒。越宿制瓶藏藥。須舊錫雜鉛乃佳。昔人過飲燒酒。昏迷欲絕。或令以錫器貯沸湯。蓋取氣水飲之卽甦。此與炊單布治湯氣薰灼無異。同氣相感之力也。

鐵落 辛寒有毒。卽燒鐵赤沸砧上爆下之屑也。鐵銚內煨赤。醋沃七次用。

本經主風熱惡瘡。瘍疽痂疥。氣在皮膚中。

發明 素問云。有病怒狂者。治以生鐵落為飲。漬汁煎藥。取

其性沉。下氣最疾。不可過服。過服令人凜凜惡寒。以其專削

陽氣也。本經主風熱惡瘡等疾。皆肝心火熱所致。辛寒能除

二經之熱也。蘇恭以之炒熱投酒中。療賊風痙病。借酒以行

皮膚中氣也。

鐵砂 酸辛無毒。作鐵家磨鑪細末也。

發明 鐵砂寒降。善治溼熱。脾勞黃病。於鐵鉢內煨通紅。醋

沃置陰處。待半月結塊生黃。化盡鐵性。用為消脾胃堅積黃

腫之專藥。丹溪溫中丸用之。又以製過鐵砂一兩。入乾漆灰

半錢。香附三錢。合平胃散五錢。蒸餅為丸。湯酒任下。治療與

溫中丸不殊。

鐵精 平微温小毒。

本經明目化銅

發明 鐵之精華也。出鍛竈中。紫色輕如塵者佳。取至陰沉重之性。得純陽火鍊。而輕浮上升。故可以療驚悸。定風癇。破胃脘積血作痛。本經主明目。取其鎮攝虛火之義。以其得火氣之多也。但胃氣虛寒人服之。往往有奪食發呃之虞。以純陰鎮攝太過。而傷犯陽和之氣也。

鐵繡

一名鐵衣

辛寒無毒。

發明 陶華云。鐵繡水和藥服。性沉重。最能墜熱開結。又能平肝消腫。治惡瘡疥癬。和油塗之。婦人產後陰挺不收。和冰片研水傅之。蠮螋蜈蚣咬。和蒜塗之。

石部

玉 平淡無毒。

發明 玉滅癥痕。日日磨擦。久則自退。研細水飛。去目翳。珊瑚瑪瑙寶石玻璃水晶。爲屑水飛。皆能磨翳。不獨玉屑爲然也。

雲母 甘平無毒。凡用選白瑩者。擘薄片。取雨水或流水漬去砂土。更以秋露漬數十日。同露煮七日夜。磨令極細。搥指無復光明者。乃可用之。或同鹽入重布袋按之。沃令鹽味盡。懸當風處。自然成粉。弘景曰。鍊之用礬則柔爛。忌羊血者。以其能解諸藥之性也。與胡蒜尤爲切禁。犯之必腹滿作瀉。黑者有毒傷人。本經主身皮死肌。中風寒熱。如在車船上。除邪氣安五藏。益精明目。久服輕身延年。

發明 雲母生泰山山谷。色白者良。本經言雲母甘平。詳其



性升。亦應有甘溫助陽之力。故能辟一切陰邪不正之氣。主身皮死肌。以其能辟除陰毒也。其治中風寒熱如在車船上。以其能鎮攝虛陽也。局方雲母膏。治一切癰毒。仲景方治牝瘕多寒。千金方治久利帶下。小便淋疾。及一切惡瘡。深師方治痰飲頭痛。何德揚治婦人難產。溫酒調服三錢。入口卽下。金刃傷傳之。止血最速。且無腐爛之虞。陰疽腸癰亦多用之。皆取助陽之力也。久服能使身輕尸解。孫真人恆服之。但石藥性偏助陽。凡陰虛火炎者。慎勿誤與。

白石英 甘溫無毒。出泰山。以六稜瑩白如水晶者爲真。林北海先生本草綱目必讀。但收紫而不及白。世鮮真者。可知。本經治消渴。陰痿不足。欬逆。胸膈間久寒。益氣除風溼痺。發明 白石英入手太陰足陽明氣分。肺癰潰久。痿痺不起。

者宜之。本經主消渴陰痿不足諸病。功專溫肺無疑。但石性  
慄悍不可久服。仲景金匱風引湯只令碎如米粒。不欲其滓  
入胃也。千金五石等方俱鍛過水飛入丸。而五石丸專以鍾  
乳爲君。合紫白石英赤石脂石膏。專溫藏氣而石膏清胃。以  
解諸石之悍。且既經鍛過水飛。不慮其滓之留中蘊熱也。

紫石英 甘溫無毒。出泰山。以五稜明淨深紫大塊者良。浙  
產者塊小亦可入藥。經火則毒生。研極細。水飛三次用。時珍  
云。煨赤醋淬七次。水飛用非。

本經主心腹欬逆邪氣。補不足。女子風寒在子宮。絕孕十年  
無子。

發明 紫石英入手足少陰厥陰血分。上能鎮心。定驚悸。安  
竄。攝逆氣。重以去怯也。下能益肝。填補下焦。散陰火。止消

渴。溫以煖血也。女子經阻色淡不孕者宜之。本經治女子風寒在子宮。絕孕十年者。服之能孕。非特峻補兼散濁陰留結之驗也。若血熱紫黑者禁用。爲其性溫也。千金云。婦人欲求美色者。勿服紫石英。令人色黑。非溫血之謂乎。故婦人絕孕。由於陰虛火旺。不能攝精者禁用。

丹砂一名硃砂。甘微寒無毒。研細水飛用。入火則烈。毒能殺人。急以生羊血童便金汁等解之。

本經主身體五藏百病。養精神。安魂魄。益氣明目。殺精魅邪惡鬼。久服通神明不老。能化爲汞。發明。丹砂體陽性陰。外顯丹色。內含真汞。不熱而寒。離中有坎也。不苦而甘。火中有土也。嬰兒姪女。交會於中。鎮心安神。是其本性。用則水飛。以免鎮墜。不宜見火。恐性飛騰。本經

治身體五藏百病。安定神明。則精氣自固。火不妄炎。則金木得平。而魂魄自定。五藏皆安。精華上發。而氣益日明。陽明神物。故應辟除不詳。消散陰惡殺厲之氣。仲淳繆子經疏之言也。同遠志龍骨則養心氣。同當歸丹參則養心血。以人參茯神濃煎。調入丹砂。治離魂病。以丹砂末一錢。和生雞子黃三枚。攪勻頓服。治妊娠胎動不安。胎死卽出。未死卽安。又以丹砂一兩爲末。取飛淨三錢。於一時頃分三次酒服。治子死腹中立出。慎勿經火。若經伏火及一切烹煉。則毒等於砒礪。惟養正丹則同鉛汞硫黃煨之。以汞善走。而火毒不致蘊發也。

銀硃

辛溫有毒。忌一切血。

發明

水銀和硫黃煨煉成硃。轉姪爲嬰。故專殺蟲治瘡。以

毒攻毒而已。今食品往往用之。良非所宜。觀其同蟹殼燒之。

則臭蟲絕跡。和棗肉薰之。則瘡疥頭枯。其性悍烈可知。

水銀一名 汞 辛寒有毒。水銀陰毒重者。不可入人腹。古法治

誤食水銀。令其人卧於椒上。則椒內皆含水銀。今有誤食水

銀。腹中重墜。用豬脂二觔。切作小塊。焙熟。入生蜜拌食。得下。

亦一法也。

本經主疥癬。癩瘍。白禿。殺皮膚中蟲。墮胎除熱。殺金銀銅錫

毒。鎔化還復為丹。

發明 水銀乃至陰之精。質重著而性流利。得鹽礬為輕粉。

加硫黃為銀硃。煬成罐。同硫黃打火升鍊。則為靈砂。同硝皂

等。則為升降靈藥。性之飛騰靈變。無似之者。此應變之兵。在

用者得其肯綮。而執其樞要焉。本經主疥瘍。白禿。皮膚中蟲。

及墮胎除熱。傳男子陰。則陰消無氣。以至陰之精。能消陽氣。

故不利男子陰器也。和劑局方之靈砂丹。專取硫黃以製汞。養正丹兼取伏火丹砂以製鉛。深得交通陰陽。既濟水火之妙用。非尋常草木可以例推也。千金治白癩風癢。外臺治蟲癬疥癢。梅師治痔瘡作痒。肘後治一切惡瘡。藏器有云。水銀入耳。能蝕人腦。令人百節攣縮。但以金銀著耳邊卽出。頭瘡切不可用。恐入經絡。必緩筋骨。百藥不治。

輕粉

一名賦粉

辛燥有毒

發明 水銀加鹽礬鍊爲輕粉。化純陰爲燥烈。而陰毒之性猶存。故能通太腸。傳小兒疳疽瘰癧。殺瘡疥癬蟲。風癢瘡癢。但以陰性暴悍。善劫淫穢。徽瘡食之。竄入筋骨。莫之能出。久發爲結毒。致成廢人。然必仍用水銀昇鍊。入三白丹。引拔毒之藥。同氣相求。以搜逐之。癘風醉仙丹。通天再造散。用以

搜滌毒邪。從齒縫出。錢氏利驚丸。白餅子皆用之。取痰積從大便出。真瞑眩之首推也。

靈砂 甘溫無毒。

按胡演丹藥秘訣云。昇靈砂法。用新鍋安逍遙爐上。窰指鍋底。文火下燒。入硫黃二兩。鎔化。投水銀八兩。以鐵匙急攪。作青砂頭。如有焰起。噴醋解之。待汞不見星。取出細研。盛入水火鼎內。鹽泥固濟。下以自然火升之。乾水十二盞為度。取出如束鍼紋者成矣。庚辛玉冊云。靈砂有三。以一伏時周天火而成者。謂之金鼎靈砂。以九度抽添。用周天火而成者。謂之九轉靈砂。以地數三十日炒鍊而成者。謂之老火靈砂。並宜桑灰淋醋煮。伏過用之。於硃砂中鍊出者。謂之真汞。尤為神效。

發明 時珍曰。此以至陽釣至陰。脫陰反陽。故曰靈砂。爲扶危拯急之靈丹。虛陽上逆。痰涎壅盛。頭眩吐逆。喘不得臥。寤不得寐。霍亂反胃。心腹冷痛。尤爲鎮墜虛火之專藥。但不可久服。凡胃虛嘔吐。傷暑霍亂。心肺熱鬱。禁用。

雄黃 辛苦溫微毒。武都者良。入香油熬化。或米醋入蘿蔔汁煮乾用。生則有毒傷人。

本經主寒熱鼠瘻。惡瘡疽痔死肌。殺精物惡鬼邪氣百蟲毒。勝五兵。

發明 雄黃生山之陽。純陽之精。入足陽明經。得陽氣之正。能破陰邪。殺百蟲。辟百邪。故本經所主。皆陰邪濁惡之病。勝五兵者。功倍五毒之藥也。其治驚癇痰涎。及射工沙蟲毒。與大蒜合搗塗之。同硝石煮服。立吐腹中毒蟲。千金方治疔腫。



惡瘡。先刺四邊及中心。以雄黃末傅之。聖惠方治傷寒狐惑。以雄黃燒於瓶中熏其下部。和劑局方酒癰丸。同蠍尾巴。豆治酒積痛利。肘後方以雄黃礬石甘草湯煮。治陰腫如斗。經驗方以雄黃白芷爲末酒煎。治破傷風腫。家秘方以雄黃細研。神麴糊丸。空心酒下四五分。日服無間。專消癰母。急救良方。以雄黃五錢麝香二錢爲末。作二服酒下。治風狗咬傷。外臺秘要雄黃敷藥箭毒。攝生妙用。雄黃硫黃菜豆粉。人乳調傅。酒皸鼻赤。不過三五次愈。痘疹證治。以雄黃一錢紫草三錢爲末。臙脂汁調。先以銀簪挑破。搽痘疔。萬氏方治壅瘍漫腫。色不煖赤。明雄黃細末三分。雞子破殼調入。飯上蒸熟食之。重者不過三枚卽消。聖濟錄以雄黃豬膽汁調敷。白禿頭瘡。熏黃治惡瘡疥癬。殺蟲蟲和諸藥熏嗽。千金方有效嗽。

熏法

雌黃

辛平有毒

本經主惡瘡頭禿痂疥。殺毒蟲蝨身癢。邪氣諸毒。

發明 雌黃出山之陰。故單治瘡殺蟲。而不能治驚癇痰疾。

本經治惡瘡頭禿痂疥。與雄黃之治寒熱鼠瘻。迥乎陰陽之

分矣。其殺毒蟲蝨身癢。較雄黃之殺精物惡鬼邪氣。解毒辟

惡之性則一。而功用懸殊。治狂癡勝金丹用之。不過借爲搜

陰邪之嚮導耳。別錄治鼻中瘕肉。不宜久服。令人腦漏。

石膏 辛甘大寒無毒。清胃熱煨用。治中喝熱生用。一種微

硬有肌理名理石。主治與粗理黃石相類。

本經主中風寒熱。心下逆氣驚喘。口乾舌焦。不能息。腹中堅

痛。除邪鬼產乳金瘡。

發明 古人以石膏葛根並爲解利陽明經藥。蓋石膏性寒。葛根性溫。功用詎可不辯。葛根乃陽明經解肌散寒之藥。石膏爲陽明經辛涼解熱之藥。專治熱病渴病。大渴引飲。自汗頭痛。溺瀆便閉。齒浮面腫之熱證。仲景白虎湯是也。東垣云。立夏前服白虎。令人小便不禁。降令太過也。今人以此湯治冬月傷寒之陽明證。服之未有得安者。不特石膏之性寒。且有知母引邪入犯少陰。非越脾大青龍小續命中。石膏佐麻黃化熱之比。先哲有云。凡病雖有壯熱而無煩渴者。知不在陽明。切勿誤與白虎。本經治中風寒熱。是熱極生風之象。邪火上衝。則心下有逆氣及驚喘。陽明之邪熱甚。則口乾舌焦不能息。邪熱結於腹中則堅痛。邪熱不散。則神昏譫語。等乎邪鬼。解肌散熱外泄。則諸證自退矣。卽產乳金瘡。亦是鬱熱。

蘊毒赤腫神昏。故可用辛涼以解泄之。非產乳金瘡可不用也。其金匱越脾湯治風水惡寒無大熱。身體自汗不渴。以麻黃發越水氣。使之從表而散。石膏化導胃熱。使之從胃而解。如大青龍小續命等製。又不當以此執泥也。至於三黃石膏湯。又以伊尹三黃。河間解毒。加入石膏麻黃香豉薑葱。全以麻黃開發伏氣。石膏化導鬱熱。使之從外而解。蓋三黃石膏之有麻黃。越脾青龍續命之有石膏。白虎之加桂枝。加蒼朮。加入參。加竹葉麥門冬。皆因勢利導之捷法。千金五石丸等方。用以解鍾乳紫白石莢。石脂之熱性耳。別錄治時氣頭痛身熱。三焦大熱。皮膚熱。腸胃中熱氣。解肌發汗。止消渴煩逆。腹脹暴氣。喘息咽熱者。以諸病皆由足陽明胃經邪熱熾盛所致。惟喘息畧兼手太陰病。此藥能散陽明之邪熱。陽明熱

邪下降。則太陰肺氣自寧。故悉主之。○精理黃石破積聚。去  
三蟲。千金鍊石散醋煨水飛。同白斂鹿角。治石癰。以火鍼鍼  
破傳之。

滑石 甘寒無毒。色青赤者有毒。

本經主身熱洩瀉。女子乳難癰閉利小便。蕩胃中積聚寒熱  
益精氣。

發明 滑石利竅不獨利小便也。上能散表。下利水道。爲蕩

熱散溼。通利六府九竅之專劑。取甘淡之味。以清肺胃之氣。

下達膀胱也。詳本經諸治。皆清熱利竅之義。河間益元散。通

治表裏上下諸熱。解時氣。則以葱豉湯下。催生則以香油漿

水調服。暑傷心包。則以本方加辰砂末一分。使熱從手足太

陽而泄也。惟元氣下陷。小便清利。及精滑者勿服。久病陰精

本經逢原卷一 石部 滑石 天 思得堂藏

不足內熱。以致小水短少赤澀。雖有泄瀉。皆爲切禁。而本經又言益精氣者。言邪熱去而精氣自復也。

赤石脂 甘酸辛溫無毒。五色石脂並溫無毒。

本經養心氣。明目益精。療腹痛腸澼。下痢赤白。小便利。及癰疽瘡痔。女子崩中漏下。產難胞衣不出。

發明 赤石脂功專止血固下。仲景桃花湯。治下利便膿血者。取石脂之重。瀆入下焦血分而固脫。乾薑之辛溫。煖下焦氣分而補虛。粳米之甘溫。佐石脂而固腸胃也。火熱暴注。初痢有積熱者。勿用。本經養心氣。明目益精。是指精血脫泄之病而言。用以固斂其脫。則目明精益矣。療腹痛腸澼等疾。以其開泄無度。日久不止。故取瀆以固之也。治產難胞衣不出。乃指日久去血過多。無力逆下。故取重以鎮之也。東垣所謂。

胞衣不出。瀉劑可以下之。設血氣壅滯而胞衣不出。又非石脂所宜也。其白者歛肺氣。澀大腸。金匱風引湯用之。專取以杜虛風復入之路也。青者入肝。黃者入脾。黑者入腎。總取治崩利冰之功。各隨其色而用之。

爐甘石 甘溫無毒。

發明 爐甘石得金銀之氣而成。專入陽明經而燥溼熱。目病爲要藥。時珍常用爐甘石煨飛。海螵蛸礮砂等分爲細末。點諸目病皆妙。又煨過水飛丸如彈圓。多攢簪孔燒赤。煎黃連汁淬數次。點眼皮溼爛。及陰囊腫溼。其功最捷。

無名異 甘平無毒。

本經主金瘡折傷內損。止痛生肌肉。

發明 無名異本經主折傷內損。今人治打傷腫痛。損傷接

骨。又試効方。臨杖預用酒服三五錢。則杖不甚傷。蘇頌醋磨傳腫毒者。亦取活血涼血之功耳。

石鍾乳 甘温無毒。以甘草紫背天葵同煮一伏時。杵粉入鉢細研。水飛澄過。再研萬遍。磁器收之。若不經煅煉。服之令人淋。

本經主欬逆上氣。明目益精。安五藏通百節。利九竅下乳汁。發明 鍾乳乃山靈陽氣所鍾。故瑩白中空。純陽通達。專走陽明氣分。若質實色淪。必生陰壑。不無蛇虺之毒。誤餌傷人。惟產乳源。形如鵝鴉管者最勝。然性偏助陽。陰虛之人。慎毋輕服。內經云。石藥之氣悍。服之令陽氣暴充。形體壯盛。昧者得此自慶。益肆淫泆。精氣暗損。石氣獨存。孤陽愈熾。久之榮衛不從。發爲淋濁。及爲癰疽。是果乳石之過歟。抑人之自取。



耶。惟肺氣虛寒。欬逆上氣。哮喘痰清。下虛脚弱。陰痿不起。大腸冷滑。精泄不禁等疾。功效無出其右。本經主欬逆上氣者。取其性溫而鎮墜之。則氣得歸元而病自愈。五藏安則精自益。目自明。其通百節。利九竅。下乳汁者。皆取甘溫助陽。色白利竅之力也。昔人言鍾乳與白朮相反。而千金方每多並用。專取相反之性。激其非常之効。予常親試。未嘗有害。孔公孽。孔竅中通。附垂於石。如木之孽。卽鍾乳之牀。本經利九竅。下乳汁之功。與鍾乳無異。而殷孽卽孔公孽之根。又爲瘡沮癘。痔癥瘕。溫散結氣之用。惜乎世鮮知者。

石灰

辛溫有毒

本經主疽瘍疥癩熱氣惡瘡。癩疾死肌。墮眉殺痔蟲。去黑子瘰肉。

發明 石灰稟壯火之餘烈。故能辟除陰邪溼毒。觀本經所  
至疽瘍疥瘙熱氣惡瘡癩疾死肌等。皆外治之用。去黑子者  
火氣未散。性能灼物。故能去黑子瘰肉及墮眉也。本經雖不  
言有毒。而內服之方。從無及此。其毒可知。寇氏治中風口喎。  
以石灰醋炒調塗。左塗右。右塗左。立便牽正。千金治身面疣。  
用苦酒浸石灰六七日。取汁頻頻滴之。自落。又治溺死之人。  
用化過細灰裹下部。以滲其水。卽活。又治癭瘡不合。古塚中  
石灰厚傅之。集玄方治面靨疣痣。碱水煮滾。化礬灰。挿糯米  
半入灰中。經宿色變如晶。以鍼微撥動。點少許於上。半日汁  
出。剔去藥不得著水。二日卽愈。便簡方治疔腮腫痛。醋調陳  
年石灰傅之。肘後方治湯火傷灼。年久石灰油調傅之。又治  
刀刃金瘡。石灰裹之。卽痛定血止。但不可著水。著水卽爛肉。

也

浮石

一名海石

鹹平無毒。煨過水飛用。

發明

海石乃水沫結成。色白體輕。故治上焦痰熱。止嗽。點

目翳。傳痘癰。功效最捷。又治諸淋。散積塊。皆取鹹能軟堅之意。消癭瘤。結核。疝氣。然惟實證宜之。虛者誤投。患亦最速。以其性專剋。削肺胃之氣也。南海有浮水之石。沉水之香。專取物類之相反。以治病氣之阻逆也。

陽起石

本經名白石

鹹溫無毒。色白。揉之如綿。不脆者真。質堅

脆者即偽。煨過燒酒淬七次。杵細水飛用。

本經主崩中漏下。破子藏中血。癥瘕結氣。寒熱腹痛。無子。陰

痿不起。補不足。

發明 陽起石乃雲母之根。右腎命門藥。下焦虛寒者宜之。

黑錫丹用此。正以補命門陽氣不足也。本經治崩中漏下陽衰不能統攝陰血也。又言破子藏中血。癥瘕結氣。是指陰邪畜積而言。用陽起石之鹹溫散其所結。則子藏安和。孕自成矣。陰虛火旺者忌用。以其性專助陽也。

慈石

本經名玄石  
俗名熾鐵石

辛鹹微寒無毒。入藥煨過。醋淬七次。研

細水飛用。

本經主周痺風溼。肢節中痛。不可持物。洗洗酸消。除大熱煩滿。及耳聾。

發明 慈石爲鐵之母。腎與命門藥也。惟其慈。故能引鐵。千

金慈硃丸。治陰虛龍火上炎。耳鳴嘈嘈。腎虛瞳神散大。蓋慈

石入腎。鎮養真精。使神水不外移。硃砂入心。鎮養心血。使邪

火不上侵。耳目皆受蔭矣。本經主周痺風溼。肢節中痛。洗洗

酸消。取辛以通痺而祛散之。重以去法而鎮固之。則陰邪退聽而肢節安和。耳目精明。大熱煩滿自除矣。濟生方治腎虛耳聾。以慈石豆大一塊。同煨穿山甲末。綿裹塞耳中。口含生鐵一塊。覺耳中如風雨聲即通。

代赭石

本經名須丸

苦甘平無毒。擊碎有乳形者真。火煨醋淬

三次。研細水飛用。

本經主鬼疰賊風蠱毒。腹中毒邪。女子赤沃漏下。

發明 赭石之重以鎮逆氣。入肝與心。包絡二經血分。本經

治賊風蠱毒。赤沃漏下。取其能收斂血氣也。仲景治傷寒吐

下後。心下痞硬。噫氣不除。旋復代赭石湯。取重以降逆氣。滌

痰涎也。觀本經所治皆屬實邪。即赤沃漏下。亦是肝心二經

瘀滯之患。其治難產胞衣不下。及大人小兒驚氣入腹。取重

以鎮之也。陽虛陰痿。下部虛寒。忌之。以其沉降而乏生發之功也。

禹餘糧 本經名自餘糧與太乙餘糧功用皆同

甘平無毒。細研水淘澄之。勿

令有砂土。

本經主欬逆寒熱煩滿。下赤白血閉。癥瘕大熱。鍊餌服之。不饑輕身延年。

發明 重可以去怯。禹餘糧之重。爲鎮固之劑。手足陽明血分藥。其味甘。故治欬逆寒熱煩滿之病。其性澀。故主赤白帶下。前後諸病。仲景治傷寒下利不止。心下痞鞭。利在下焦。赤石脂禹餘糧丸主之。取重以鎮痞逆。濟以固脫泄也。抱朴子云。禹餘糧丸日再服。三日後令人多氣力。負擔遠行。身輕不饑。卽本經輕身延年之謂。

空青 甘酸大寒無毒。

本經主青盲耳聾。明目利九竅通血脈。養精神益肝氣。久服輕身延年。

發明 空青感銅之精氣而結。故專入肝明目。本經主耳目九竅諸病。皆通血脈。養精神益肝氣之力也。久服輕身延年者。銅性善滌垢穢。垢穢去而氣血清純。母伐天和矣。時珍曰。空青與綠青皆生益州及越嶲山有銅處。東方甲乙是生肝膽。其氣之清者爲肝血。其精英爲膽汁。開竅於目。血者五藏之英。皆因而注之爲神。膽汁充則目明。減則目昏。銅亦青陽之氣所生。其氣之清者爲綠。猶肝血也。其精英爲空青之漿。猶膽汁也。其爲治目神藥。蓋亦以類相感耳。但世罕得真醫。亦罕識。以故俗諺有天下有空青。人間無瞽目之說。不知此

雖貴品。銅官始興涼州高平饒信等處。一皆有之。出銅坎者。銅質隱隱內涵空綠。生金穴者。金星粲粲。內涵空青。總取得肝膽之精靈。通空竅之風氣也。予嘗以此驗之。攷之張果玉洞要訣云。空青似楊梅受赤金之精。甲乙陰靈之氣。近泉而生。故能含潤。然必新從坎中出者。則鑽破中有水。若出礦日久。則乾如珠矣。安有藏久不乾之理。近世必以中空涵漿者為真。若爾則當名空漿。不當名空青矣。但須驗其中空。內有青綠如珠者。即真空青。急不可得。綠青可以代用。活法在人。可執一乎。

曾青

曾音層其青層層而生故石形如蚯蚓屎者真

酸小寒無毒

本經主目痛止淚出風痺利關節通九竅破癥堅積聚久服

輕身不老



發明 曾青治目義同空青。以其並出銅礦。與綠青同一根源。曾青則綠青之祖氣也。古方太乙神精丹用之。扁鵲治積聚留飲。有曾青丸。並見古今錄驗方。曾空二青。近世絕罕。千金云。當取崑崙綠代之。卽綠青也。

綠青

俗名石綠

微酸小毒

發明 痰在上宜吐之。在下宜利之。綠青吐風痰眩悶。取二三錢。同龍腦少許調勻。以生薄荷汁。合酒溫服便卧。涎自口角流出乃愈。不嘔吐而功速。故著之。

扁青

俗名石青

甘平無毒

本經主目痛明目。折跌癰腫。金瘡不瘳。破積聚解毒氣。利精神。

發明 石青走肝磨堅積。故本經所主。皆肝經積聚之病。時

珍用吐風痰。研細溫水灌下即吐。肝虛易驚多痰者宜之。形如縮砂者名魚目青。主治與扁青無異。

石膽

俗名膽礬

酸辛寒有毒。產秦州嵩岳及蒲州中條山。出銅處有之。能化五金。以之制汞則與金無異。

本經主目痛金瘡諸癰瘰。女子陰蝕痛。石淋寒熱崩中下血諸邪毒氣。

發明 石膽酸辛氣寒。入少陽膽經。性寒收斂。味辛上行。能涌風熱痰涎。發散風木相火。又能殺蟲。本經主目痛金瘡瘰瘵。取酸辛以散風熱痰垢也。治陰蝕崩淋寒熱。取酸寒以滌淫熱淫火也。又爲咽齒喉痺乳蛾諸邪毒氣要藥。涌吐風痰最快。方用米醋煮真鴨嘴。膽礬末醋調探吐膠痰即瘥。又治紫白癩風。膽礬牡蠣粉生研醋調摩之。風犬咬傷。膽礬末水

服探吐。蜜調傳之立愈。胃脘蟲痛。茶清調膽礬末吐之。走馬牙疳。紅棗去核入膽礬煨赤。研末傳之。追出痰涎即愈。百蟲入耳。膽礬和醋灌之即出。千金方也。

礬石 辛熱有毒。久服令人筋攣。煨法以黃泥包。炭火燒一日一夕。乃可用之。惡羊血不入湯液。

本經主寒熱鼠癭蝕死肌風痺。腹中堅癖邪氣。

發明 時珍云。礬石與砒石相近。性亦相類。但砒石畧帶黃暈。礬石全白。稍有分辨。而古方礬石與礬石常相渾書。二字相似。故誤耳。然礬石性寒無毒。礬石性熱有毒。不可不審。甄權除膈間積氣。冷溼風痺癢癢積十年者。仲景云。生用破人心用。嚴冬以此置水中。則水不冰。其熱毒之性不減。砒石今藥肆中往往以充砒石。而礬石僅可破積攻痺。不能開痰散

結。是以勝金丹截癰丹。服之不効者。良由誤用礬石之故。按王子敬靜息帖言。礬石深是可疑。凡喜服寒食散者。輒發癰毒。故云深可疑也。以其毒烈。乾永最速。故丹房目為仙藥。凡山中有礬。則春不生草。冬不積雪。而鼠食則斃。蠶食則肥。物類之宜忌。有不可解者。其特生礬石。有蒼白紫桃花色金星銀星等類。其毒不異。惟出金穴中者。名握雪礬石。雖溫無毒。與上迥為不同。

砒石

出信州故又名信石

苦辛大熱大毒。色白有黃暈者名金脚砒。

鍊過者曰砒霜。色紅者最劣。不堪入藥。畏菘豆芽茶冷水。入

藥醋煮用。或與芽茶同用。或與浸溼生菜豆仁同研以殺其

毒。中其毒者以生羊血解之。冷水多灌亦解。若犯火酒。必不

可救。

發明 砒霜癰家常用。入口則吐利兼作。吐後大渴。則與茶豆湯飲之。砒性大毒。誤食必死。奈何以必死之藥。治必不死之病。豈不殆哉。然狂癡之病。又所必需。勝金丹用之。無不應者。枯痔散與天靈蓋同用。七日痔枯自落。取熱毒之性。以枯及肉。天靈蓋以透骨髓。散宿垢。長肌肉也。

礞石 辛鹹平無毒。色青者入肝力勝。色黃者兼脾次之。硝石煨過。杵細水飛用。

發明 青礞石厥陰之藥。其性下行。治風木太過。來制脾土。氣不運化。積滯生痰。壅塞膈上。變生風熱諸病。故宜此藥。重墜以下泄之。使木平氣下。而痰積通利。諸證自除矣。今人以王隱君滾痰丸。通治諸痰怪證。不論虛實寒熱。槩用。殊為未妥。不知痰因脾胃不能運化。積滯而生。膠固稠粘者。誠為合

劑設因陰虛火炎煎熬津液凝結成痰如誤投之則陰氣愈虛陽火彌熾痰熱未除而脾胃先為之敗矣况乎脾胃虛寒食少便溏者得之泄利不止禍不旋踵若小兒多變慢脾風證每致不救可不慎歟

花乳石

一名花藥石

酸辛溫無毒出陝華諸郡色黃中有淡白

點以此得名又代州山谷中有五色者制法以花乳石五兩同硫黃二兩入場成罐內鹽泥固濟加頂火煨過研細水飛用

發明 花乳石產硫黃山中其性大溫厥陰血分藥也葛可

久治虛勞吐血有花藥石散以其性溫善散瘀結也和劑局

方治金刃箭傷打撲垂死外有損處以煨過細末摻傷處血

化黃水再摻即活如內有損血入藏府煎童子小便入酒少

許調灌一錢七立効。婦人產後惡血衝心。昏暈不省。或胎死腹中。胞衣不下。致死。但心胸溫暖者。急以童便調灌一錢。取下惡血。卽安。若膈上有血。化爲黃水。卽時吐出。或隨小便出。甚効。但陰虛火炎。中無瘀積者。誤用必殆。

河沙 微寒無毒。

發明 河沙得水土之氣。故夏月發癩子。通石淋。主絞腸沙。痲。用沙炒熱。冷水淬之。澄清服効。又風溼頑痺。不仁。筋骨攣縮。六月取河沙曝熱。伏坐其中。冷卽易之。取微汗。忌風冷勞役。不過數次。愈。其玉田沙。夏月發麻疹良。

石燕 甘寒無毒。

發明 石燕出祈陽西北江畔砂灘上。形似蚪而小。堅重於石。俗云因雷雨則自石穴中出。隨雨飛墮者。妄也。其性寒涼。

乃利竅行溼熱之物。故能療眼目障翳。磨水不時點之。熱淋  
煮汁飲之。婦人難產。兩手各執一枚。卽下。然不若磨汁飲之。  
僅似有理。

石蟹 甘寒無毒。

發明 石蟹生南海。近海州郡皆有之。體質石也。與蟹相似。  
或言崖州倚林港內土極細最寒。蟹入不能運動。片時成石。  
亦妄言也。其性鹹寒質堅。能磨翳積。故青盲目淫。膚翳下翳。  
漆瘡。皆水磨點塗。催生下胎。療熱極血暈。熱水磨服。  
蛇黃 溫微毒。

發明 蛇黃生蛇腹中。如牛黃之類。世人因其難得。遂以蛇  
含石。醋煨水飛代之。取蛇之性竄入肝也。蛇含石入手足厥  
陰血分。與代赭之性不甚相遠。爲小兒鎮攝驚癇之重劑。脾



風泄瀉者宜之

霹靂礧

即雷礧

溫無毒

發明

雷楔稟東南水火之氣。治小兒驚癇。磨汁服之。作枕

辟惡夢不祥。鎮邪瘡。刮屑殺瘵蟲。下蠱毒。置箱簣。不生蛀蟲。

佩之安神。治驚邪之疾。

鹵石部

食鹽

鹹寒無毒

本經主結熱喘逆胸中病。令人吐。

發明。鹹走腎走血。腎病血病人無多食鹽。以血得鹹則凝

也。補腎藥用之。不過借為引導耳。乾霍亂及臭毒頭疼腹痛。

多用鹽水吐之。本經所主結熱喘逆者。以鹹能下氣。過鹹則

引涎水聚於膈上。而涌之也。好食鹹者。人多黑色。耗血之驗

也。病水腫忌食。以其走腎助邪水之逆滿也。千金治妊婦橫生逆產。先露手足。以鹽摩產婦腹。并塗兒手足。急以爪搔之。即縮入而正產。又殺蠱毒。凡水蛭蚯蚓得鹽即化為水。毒蟲螫者。以鹽擦之。其毒即解。鹽之味鹹性降。下氣最速。治下部蠱瘡。吐胸中痰癖。止心腹卒痛。不可多食。傷肺喜欬。扁鵲云。能除一切大風痛。炒熱熨之。今人救朱魚。噉雷電暴雨欲死。但口微動者。速將鹽少許調水。貯魚於中。時時微動其水。即活。鱗尾有損處。以鹽塗之。即生出。鹽為水之精。專得涵養之力也。今人食暴雨潦水腹脹。以鹽湯探吐即安。其解水毒可知。

戎鹽

一名石鹽俗名青鹽與光明鹽同類

鹹寒無毒

本經主明目目痛益氣堅筋骨去毒蠱

發明 戎鹽稟至陰之氣凝結而成。不經煎鍊。生涯淡之陰。功專走血入腎。治目中瘀赤昏澁。金匱茯苓戎鹽湯。治小便不通。取其補腎利膀胱也。又能固齒明目。治目痛。益氣堅筋骨。一皆補腎之力。本經首主明目。目痛。是熱淫於內。治以鹹寒。又言去毒蠱者。鹹能更堅。蠱毒邪氣不能浮長矣。

鹵鹼

一名石鹼

苦鹹微寒無毒

本經主大熱消渴狂煩除邪及下蠱毒柔肌膚。

發明 鹼味鹹性走。故能消痰磨積。祛熱煩蠱毒。消渴屬實。

熱者宜之。肌膚粗者。以湯洗之。頑皮漸退。是即柔肌膚之謂也。

水鹼乃竈灰淋湯。冲銀黝脚所造。性能發麩。故麩舖中。

無不用之。病人食之。多發浮腫。故方後每忌溼麩。觀其善滌。

衣垢尅削可知。

凝水石

水石 印寒

辛鹹寒無毒。近世真者絕不易得。欲驗真偽。

含之即化為水。否即是偽。石膏亦名寒水石。與此不同。

本經主身熱腹中積聚邪氣。皮中如火燒煩滿。

發明 寒水石生積鹽之下。得陰凝之氣而成。鹽之精也。治

心腎積熱之上藥。本經治腹中積聚。鹹能軟堅也。身熱皮中

如火燒。鹹能降火也。金匱風引湯。局方紫雪。皆用以治有餘

之邪熱也。如無真者。戎鹽玄精石皆可代用。總取鹹寒降泄

之用耳。

玄精石 辛鹹寒無毒。青白龜背者良。

本經除風冷邪氣。溼益精氣。

發明 玄精石稟太陰之精。與鹽同性。故其形皆六出。象老

陰之數也。本經言味鹹氣溫。傳寫之誤。其氣寒而不溫。其味

辛鹹沉降。同硫黃硝石。治上盛下虛。收陽助陰。有扶危拯逆之功。來復丹用之。專取一陽來復之義。寒因寒用。深得本經諸治之奧。

朴硝 辛苦鹹寒有毒。黃者傷人。赤者殺人。入藥必取白者。以水煎化。澄去滓。入萊菔自然汁同煮。傾入盆中。經宿結成如冰。謂之盆硝。齊衛之硝。上生鋒芒。謂之芒硝。川晉之硝。上生六稜。謂之牙硝。取芒硝再三以萊菔汁煉去鹹味。懸當風處。吹去水氣。輕白如粉。謂之風化硝。以芒硝牙硝同萊菔汁甘草煎過。鼎罐昇煨。謂之玄明粉。

本經王五藏積熱。胃脹閉。滌蓄結飲食。推陳致新。除邪氣。錯

簡在硝石條內。今正之。詳治五藏等證。皆熱邪固積。決非硝石所能。

發明 熱淫於內。治以鹹寒。堅者以鹹栗之。熱者以寒消之。

不出本經推陳致新之妙用。仲景大陷胸湯。大承氣湯。調胃承氣湯。皆用芒硝。稟堅去實。且帶微辛。所以走而不守。若熱結不至堅者。不可輕用。小兒赤遊風。以硝傾湯中。取布蘸溼拭之。

玄明粉

御藥院方名白龍粉

辛甘微寒無毒

發明 玄明粉用芒硝煨過多遍。佐以甘草。緩其鹹寒之性。用治膈上熱痰。胃中實熱。腸中宿垢。非若芒硝之力峻傷血也。然脾胃虛寒。及陰虛火動者。慎勿輕用以取虛虛之咎。風化硝 甘鹹寒無毒。

發明 風化硝甘緩輕浮。故治上焦心肺痰熱。而不致於泄利者宜之。并治經絡之痰溼。但重著而非痠痛者。用之有效。指迷茯苓丸。治痰溼流於肩背之陽位。而隱隱作痛。最為合

劑。然惟體肥氣實者為宜。眼驗赤腫。和入乳點之。

硝石即焰硝 辛苦鹹温有毒。溶化投甘草結定取用。本經主

百病。除寒熱邪氣。逐六府積聚結固留癖。能化七十二種石。

諸家本草皆錯簡在朴硝條內。詳化七十二種石。豈朴硝能之。

發明 焰硝屬火。其性上升。能破積散堅。治諸寒熱交錯之

病。升散三焦火鬱。調和藏府虛寒。除寒熱邪氣。逐六府積熱。

不出本經主治也。別錄言天地至神之物。能化七十二種石。

抱朴子亦云。能消柔五金。化七十二石。其錯簡可知。與硫黃

同用。即配偶二炁。均調陰陽。有升降水火之功。治冷熱緩急

之病。蓋硫黃性煖而利。其性下行。硝石性煖而散。其性上行。

一升一降。此制方之妙也。

礞砂 鹹苦辛熱有毒。醋煮乾刮下用。番隅者良。畏酸漿水。

本經逢原卷一 硝石部 硝石 礞砂 九九 思得堂藏

忌羊血。中其毒者。生菜豆研汁恣飲解之。

發明 礪砂大熱。乃鹵液所結。秉陰毒之氣。含陽毒之精。破

積攻堅。無出其右。故能治噎膈反胃。積塊肉癥。其性能柔金

銀。故錐藥用之。所言化人心爲血者。甚言其迅利也。外用治

惡肉。除疣贅。去鼻中瘰肉。最捷。但不可過用。用過急。以甘草

湯洗之。觀金銀有僞。投礪砂罐中。悉能消去。况人腹中有久

積死胎。豈不腐潰。但其性毒烈。苟有生機。慎勿輕試。

蓬砂一名鵬砂 甘微鹹無毒。甘草湯煮化。微火炒鬆用。

發明 蓬砂味甘微鹹。氣溫色白而質輕。能去胸膈上焦之

實熱。素問云。熱淫於內。治以鹹寒。以甘緩之是也。其性能柔

五金而去垢膩。故主痰嗽喉痺。破癥結。治噎膈積聚。骨鯁結

核惡肉。取其能柔物也。含化嚥津。治喉中腫痛。膈上痰熱。取



其能散腫也。眼目障翳。口齒諸病用之。取其能滌垢也。昔人治骨鯁。百計不下。取含嚥汁。脫然如失。此軟堅之徵也。石硫黃。酸鹹大熱有毒。以萊菔挖空。入硫黃蒸熟用。或入豆腐中煮七次用。或醋煨用。或豬臟中制用。各隨本方。硫是礬之液。礬是鐵之精。磁石是鐵之母。故礬砂磁石制入硫黃。立成紫粉。硫能乾汞。見五金而黑。得水銀則赤也。本經主婦人陰蝕。疽痔惡血。堅筋骨。除頭禿。發明。硫黃稟純陽之精。賦大熱之性。助命門相火不足。寒鬱火邪。胃脘結痛。脚冷疼弱者宜之。其性雖熱。而能疎利大腸。與燥濕之性不同。但久服傷陰。大腸受傷。多致便血。傷寒陰毒。爪甲純青。火焰散。屢奏神功。陰水腹脹。水道不通。金液丹服之。卽效。本經治陰蝕。疽痔。乃熱因熱用。以散陰中蘊積。

之垢熱。但熱邪亢盛者禁用。又言堅筋骨者。取以治下部之寒溼。若溼熱痿痺。良非所宜。人身陰常不足。陽常有餘。苟非真病虛寒。胡可服此毒熱。類按有久服硫黃人漸縮小之例。石頑親見李堯占服此數年。臨斃縮小如七八歲童子狀。正內經所謂熱則骨消筋緩是也。

礬石 酸澀微寒無毒。明如鵬砂。起橫櫛者。名馬齒礬。最勝。

生用煨用各隨本方。生者多食破人心肺。

本經主寒熱洩利。白沃陰蝕惡瘡。目痛。堅骨齒。

發明 白礬專收溼熱。固虛脫。故本經主寒熱泄利。益指利

久不止。虛脫滑泄。因發寒熱而言。其治白沃陰蝕惡瘡。專取

滌垢之用。用以洗之。則治目痛。漱之。則堅骨齒。弘景曰。經云

堅骨齒。誠爲可疑。以其性專入骨。多用則損齒。少用則堅齒。

齒乃骨之餘也。爲末去鼻中瘰肉。其治氣分之痰溼癰腫最捷。侯氏黑散用之。使藥積腹中。以助悠久之功。故蠟礬丸以之爲君。有人遍身生瘡如蛇頭。服此而愈。甄權生含燕津。治急喉痺。皆取其去穢之功也。若溼熱方熾。積滯正多。誤用收瀉爲害不一。岐伯言久服傷人骨。凡陰虛咽痛。誤認喉風。陰冷腹痛。誤認臭毒。而用礬石必殆。

綠礬

一名皂礬

酸寒無毒

發明 皂礬專除垢膩。同蒼朮酒麴醋丸。治心腹中滿。或黃腫如土色甚効。蓋礬色綠味酸。燒之則赤。用以破血分之瘀積。其効最速。金匱治女勞黑痺。硝石礬石丸。專取皂礬以破瘀積之血。緣其未經註明。嘗有誤用白礬。瀉收殊味。此理又婦人白沃經水不利。子藏堅癖。中有乾血白物。用礬紅杏仁

蜜丸納陰中。日一易之。

山草部

甘草

一名國老

甘平無毒。反海藻大戟甘遂芫花。補中散表灸

用。瀉火解毒生用。中心黑者有毒勿用。

本經主五藏六府寒熱邪氣。堅筋骨。長肌肉。倍氣力。解金瘡腫毒。

發明

甘草氣薄味厚。升降陰陽。大緩諸火。生用則氣平。調

脾胃虛熱。大瀉心火。解癰腫。金瘡諸毒。灸之則氣溫。補三焦

元氣。治藏府寒熱而散表邪。去咽痛。緩正氣。養陰血。長肌肉。

堅筋骨。能和衝脈之逆。緩帶脈之急。凡心火乘脾。腹中急痛。

腹皮急縮者。宜倍用之。其性能緩急。而又協和諸藥。故熱藥

用之。緩其熱。寒藥用之。緩其寒。寒熱相兼者。用之。得其平。本

經治藏府寒熱邪氣。總不出調和胃氣之義。仲景附子理中  
用甘草。恐僭上也。調胃承氣用甘草。恐速下也。皆緩之之意。  
小柴胡有黃芩之寒。人參半夏之溫。而用甘草。則有調和之  
意。炙甘草湯治傷寒脈結代。心動悸。渾是表裏津血不調。故  
用甘草以和諸藥之性。而復其脈。深得攻補兼該之妙用。惟  
土實脹滿者禁用。而脾虛脹滿者必用。蓋脾溫則健運也。世  
俗不辨虛實。一見脹滿。便禁甘草。何不思之甚耶。凡中滿嘔  
吐。諸溼腫滿。酒客之病。不喜其甘。藻戟遂堇與之相反。亦迂  
緩不可救。昏昧耳。而胡洽治痰癖。以十棗湯加甘草大戟。乃  
痰在膈上。欲令通泄以拔病根也。古方有相惡相反並用。非  
妙達精微者。不知此理。其稍去莖中痛節。解癰疽毒。條草生  
用解百藥毒。凡毒遇土則化。甘草爲九土之精。故能解諸毒。

也。千金方云。甘草解百藥毒。如湯沃雪。有中烏頭巴豆毒。甘草入腹卽定。驗如反掌。方稱大豆解百藥毒。予每試之不效。加甘草爲甘豆湯。其驗甚捷。嶺南人解蠱。凡飲食時。先用炙甘草一寸嚼之。若中毒隨卽吐出。黃耆甘溫無毒。入益氣藥。灸用。入解表及托裡藥。生用。肥潤而軟者良。堅細而枯者。食之令人胸滿。本經主癰疽久敗。排膿止痛。大風癩疾。五痔鼠瘻。補虛小兒百病。

發明 黃耆甘溫。氣薄味厚。升少降多。陰中陽也。能補五藏諸虛。入手足太陰手陽明少陽。而治脉弦自汗。瀉陰火去肺熱。無汗則發。有汗則止。入肺而固表。虛自汗。入脾而托已潰癰瘍。本經首言癰疽久敗。排膿止痛。次言大風癩疾。五痔鼠

瘦皆用生者。以疏衛氣之熱。性雖溫補。而能通調血脈。流行經絡。可無礙於壅滯也。其治氣虛盜汗自汗。及皮膚痛。是肌表之藥。治咯血柔脾胃。是中州之藥。治傷寒尺脈不至。補腎藏元氣不足。及嬰兒易感風邪。發熱自汗諸病。皆用灸者。以實衛氣之虛。乃上中下內外三焦藥。卽本經補虛之謂。如痘疹用保元湯。治脾肺虛熱。當歸補血湯。治血虛發熱。皆爲聖藥。黃耆同人參則益氣。同當歸則補血。同白朮防風則運脾。淫同防已防風則祛風溼。同桂枝附子則治衛虛亡陽汗不止。爲腠理開闔之總司。又黃耆性專實衛。溫補下元。而當歸補血湯。曷不用地黃之屬。反用此三倍於歸。其義何居。蓋陰血之虛而發熱。明係陽從陰亢。自必峻用陰中之陽藥爲君。兼當歸引入血分。自然陽生陰長。陰邪退聽而亢熱除矣。若

用純陰滋膩。徒資膠滯。熱無由而散也。是須黃耆固護其營。不使重奪其汗。而陰自守。熱自除矣。昔人言無汗不得用黃耆。服之令人胸滿。此指表實形瘦色蒼。胸中氣盛者而言。若衛氣虛衰之人。感寒雖用表藥。多不能作汗。須用黃耆建中之屬。始得汗解。不可拘於俗見而廢聖法也。唐許胤宗治柳太后病風。不能言。脈沉而口噤。乃造黃耆防風湯數斛。置於牀下。氣如烟霧。一夕便得語也。此義惟玉屏風散得之。黃耆性畏防風。然得防風其功愈大。益相畏而相使者也。

人參

古作後

甘苦微溫無毒。產高麗者良。反藜蘆。畏鹵鹽。陰

虛火炎。欬嗽喘逆者。青鹽製之。

本經補五藏。安精神。定魂魄。止驚悸。除邪氣。明目。開心。益智。

久服輕身延年。



發明 人參甘溫氣薄味厚。陽中微陰。能補肺中元氣。肺氣旺。四藏之氣皆旺。精自生而形自盛。肺主諸氣故也。古人血脫益氣。益血不自生。須得補陽氣之藥。乃生。陽生則陰長。血乃旺耳。若單用補血藥。血無由而生也。素問言無陽則陰無以生。無陰則陽無以化。故補氣必用人參。補血須兼用之。仲景言病人汗後身熱亡血。脉沉遲。下利身涼。脉微血虛。並加人參。蓋有形之血。未能即生。希微之氣。所當急固。無形生有形也。丹溪言虛火可補。參耆之屬。實火可瀉。苓連之屬。後世不察。槩謂人參補火。謬矣。夫火與元氣。勢不兩立。正氣勝則邪氣退。人參既補元氣。又補邪火。是反復之小人矣。又何與甘草茯苓白朮爲四君子耶。凡人面白面黃。面青黧悴者。皆脾肺腎氣不足。可用也。面赤面黑者。氣壯神強。不可用也。脈

浮而孔濡。虛大遲緩無力。沈而遲濇。弦細微弱結代。或右手關部無力。皆可用也。若弦強緊實。滑數洪盛。長大有力。或右手獨見脈實。皆火鬱內實。不可用也。潔古謂喘嗽勿用者。痰實氣壅之喘也。若腎虛氣短喘促者。必用也。仲景謂肺寒而嗽。勿用者。寒束熱邪。壅滯在肺之嗽也。若自汗惡寒而嗽者。必用也。東垣謂久病鬱熱在肺。勿用者。乃火鬱於內。宜發不宜補也。若肺虛火旺。氣短自汗者。必用也。丹溪言諸痛不可驟用者。乃邪氣方銳。宜散不宜補也。若裡虛吐利。及久病胃弱。虛痛喜按者。必用也。節齋謂陰虛火旺吐血。勿用者。乃血虛火亢。能食脈強。服入參則陽愈旺。陰愈消。未有不引血大脫也。若自汗氣短。肢寒脈虛者。必用也。古今治勞。莫過於葛可久。其獨參湯。保真湯。未嘗廢入參而不用。惟麻疹初發。身

發熱而斑點未形。傷寒始作。證未定而熱邪方熾。不可用耳。  
喻嘉言曰。傷寒有宜用人參入藥者。發汗時元氣大旺。外邪  
乘勢而出。若元氣素弱之人。藥雖外行。氣從中餒。輕者半出  
不出。留連致困。重者隨元氣縮入。發熱無休。所以虛弱之人。  
必用人參入表藥中。使藥得力。一湧而出。全非補養之意。卽  
和解藥中。有人參之大力居間。外邪遇正。自不爭而退舍。亦  
非偏補一邊之意。而不知者。謂傷寒無補。邪得補彌熾。斷不  
敢用。而市井愚夫。乃交口勸病人不宜服參。醫者又避嫌遠  
謗。一切可生之機。悉置之不理。殊失本經除邪氣之旨矣。古  
今諸方。表汗用參蘇飲。敗毒散。和解用小柴胡。解熱用白虎。  
加人參湯。竹葉石膏湯。攻下用黃龍湯。領人參深入驅邪。卽  
熱退神清。從仲景至今。明賢方書。無不用人參。何爲今日醫

家屏絕不用。以阿諛求容。全失一脉相傳宗旨。殊不知誤用  
入參殺入者。皆是與黃耆白朮。乾薑當歸。肉桂附子。同行溫  
補之誤所致。不與羌獨柴前。芎半枳桔等。同行汗和之法所  
致也。安得視入參爲砒鴆刀刃。固執不用耶。又痘疹不宜輕  
用人參者。青乾紫黑陷。血熱毒盛也。若氣虛頂陷。色白皮薄。  
泄瀉漿清。必用也。故博愛心鑑治痘。以保元湯爲要藥。人參  
得升麻補上焦之氣。瀉中州之火。得茯苓補下焦之氣。瀉腎  
中之火。東垣交泰丸。用人參皂莢。是惡而不惡也。治月閉。用  
四物加入參五靈脂。是畏而不畏也。痰在胸膈。以人參藜蘆  
同用。而取涌越。是激其怒性也。惟右手獨見脈實者。爲肺經  
本有火。故不宜用。若右手虛大而嗽者。雖有火邪。此爲虛火  
上炎。腎水不足。乃刑金之火。非肺金之火。正當以人參救肺。

但須多用。方始得力。若少用必增脹滿。本經言安五藏定。寃  
魄止驚悸。明目開心益智者。以藏氣安和。心神寧定。當無驚  
悸昏昧之慮矣。其餘邪氣者。以甘溫之力。協諸表藥。助胃祛  
邪。譬諸坐有君子。則小人無容身之地矣。繆子經疏云。入參  
論其功能之廣。如本經所說。信非虛語。第其性亦有所不宜。  
世之錄其長者。或遺其短。摘其瑕者。并棄其瑜。是以或當用  
而後時。或非宜而罔投。或蒙其利。反見其害。二者之誤。其失  
則一。使良藥不見信於世。粗工互騰其口說。豈知人參本補  
五藏真陽之氣者也。若夫虛羸。怯勞。役饑飽所傷。努力失  
血。以致陽氣短乏。陷入陰分。發熱倦怠。四肢無力。或中暑傷  
氣。氣無以動。或嘔吐泄瀉。霍亂轉筋。胃弱不食。脾虛不磨。或  
真陽衰少。腎氣乏絕。陽道不舉。或中風失音。產後氣喘。小兒

慢驚。痘後氣虛。潰瘍長肉等證。投之靡不立效。惟不利於肺  
 家。有熱。欬。嗽。吐。痰。吐血。衄血。骨蒸。勞。瘵。陰虛。火動之候。蓋肺  
 者清肅之藏。真氣無虧。則寧謐清淨。以受生氣之熏蒸。而朝  
 百脉。苟縱恣情欲。虧損真陰。火空則發。熱起於下。火燦乎上。  
 則肺先受之。火乃肺之賊邪。邪氣勝則實。實則肺熱鬱結。為  
 痰嗽癢。而血熱妄行。溢出上竅。王好古所謂肺熱還傷肺是  
 也。若誤投之。鮮克免。此皆實實之誤。於人參何咎哉。○產  
 山西太行山者。名上黨人參。雖無甘溫峻補之功。却有甘平  
 清肺之力。亦不似沙參之性寒。專泄肺氣也。○參蘆能耗氣。  
 專入吐劑。涌虛人膈。上清飲宜之。鹽哮用參蘆涌吐最妙。參  
 蘆涌吐。參鬚下泄。與當歸紫苑之頭止血。身和血。尾破血之  
 意不殊。參鬚價廉。貧乏之人。往往用之。其治胃虛嘔逆。欬嗽

失血等證。亦能獲效。以其性專下行也。若治久痢滑精。崩中下血之證。每致增劇。以其味苦降泄也。其蘆世罕知用。惟江右人稱爲竹節參。近日吾吳亦有用之者。其治瀉利膿血。崩帶精滑等證。俱無妨礙。如氣虛火炎。喘嘔嗽血。誤用轉劇。昔人用以涌吐者。取其性升。而於補中寓瀉也。此義前人未發。因屢驗而筆之。

沙參 甘淡微寒無毒。有南北二種。北者質堅性寒。南者體虛力微。反藜蘆。

本經主血結驚氣。除寒熱。補中益肺氣。發明沙參專泄肺氣之熱。故喘嗽氣壅。小便赤澀不利。金受火尅。陰虛失血。或喘欬寒熱。及肺痿等疾。宜之。本經主血結驚氣者。因驚氣入心。心包熱鬱而血結也。除寒熱者。鬱熱

解而寒熱除也。補中益肺氣者。用以清理肺胃之虛熱。則津液復而正氣受益矣。潔古言肺寒用入參。肺熱用沙參。好古言沙參性寒。補五藏之陰。總未達輕虛泄熱之義也。衛生方治肺熱欬嗽。沙參一味。水煎服之。肘後方治卒然疝痛。自汗欲死。沙參爲末。酒服立瘥。證治要訣治婦人白帶。沙參爲末。米飲服之。蓋沙參專開肺氣。肺氣清則木邪散而疝自除。帶自愈矣。時珍云。人參甘苦而溫。其體重實。專補脾胃元氣。因而益肺與腎。故內傷元氣者宜之。沙參甘淡而寒。其體輕虛。專清肺氣。因而益脾與腎。故金受火尅者宜之。此卽本經補中益肺氣之謂。一補陽而生陰。一補陰而制陽。不可不辨。

桔梗

本經名  
薺芩

辛甘苦微溫無毒。甘者爲薺芩。苦者爲苦梗。

咬之腥澀者爲木梗。不堪入藥。



本經主胸脇痛如刀刺。腹滿腸鳴幽幽。驚恐悸氣。

發明 桔梗上升。清肺氣。利咽喉。為肺部引經。又能開發皮

腠。故與羌獨柴胡藟蘇輩同為解表藥。與甘草同為舟楫之

劑。諸藥有此一味。不能下沉也。傷寒邪結胸脇。則痛如刀刺。

邪在中焦。則腹滿腸鳴幽幽。辛甘升發。苦淡降泄。則邪解而

氣和矣。其主驚恐悸氣者。心脾氣鬱不舒。用以升散之也。朱

肱用桔梗治胸中痞滿。總不出本經主治。仲景治寒實結胸。

同貝母巴豆。取其溫中消穀破積也。治肺癰唾膿血。用桔梗

甘草。取排膿而清濁氣也。治少陰證二三日咽喉痛。用甘桔湯。

取其調寒熱通陰氣也。千金方治喉痺毒氣。桔梗二兩水煎

頓服。加甘草連翹荆防。名如聖湯。通治咽喉諸病。桔梗有甘

苦二種。甘者曰薺芩。千金治強中為病。莖長興發不交精出。

取其能升解熱邪於上也。又乾欬嗽乃痰火之邪鬱在肺中。亦宜甘以潤之。痢疾腹痛乃肺金之氣鬱在大腸則宜苦以開之。甘升而苦降也。此藥升降諸氣能入肺使諸氣下降。俗泥爲上升而不能下行失其用矣。痘疹下部不能起發爲之切忌。以其性升能阻藥力於上不得下達也。惟陰虛久嗽不宜用。以其通陽泄氣也。其蘆吐膈上風熱實痰生研末白湯調服二三錢探吐之。

黃精 甘平無毒勿誤用鈎吻。鈎吻卽野葛葉頭尖有毛鈎子。又名斷腸草誤服殺人。黃精則莖紫花黃葉似竹葉也。

發明 黃精爲補黃宮之勝品。寬中益氣使五臟調和肌肉充盛骨髓堅強皆是補陰之功。但陽衰陰盛人服之每致泄瀉痞滿不可不知。

歲蕤

本經名女萎  
又名玉竹

甘平無毒。肥白者良。入發散風熱藥生

用。入補藥蜜水拌。飯上蒸熟用。

本經主中風暴熱不能動搖。跌筋結肉諸不足。久服去面黑  
黥。好顏色。潤澤。輕身不老。

發明 萎蕤甘潤性平。滋肺益腎。補而不壅。善調厥陰久襲

之風。故本經治中風暴熱等病。皆取其養正祛邪之力也。別

錄主心腹結氣。虛熱腰痛。莖中寒。目痛。背爛。淚出。甄權主內

補不足。去虛勞客熱。頭痛不安。千金治風溫自汗身重。語言

難出。萎蕤湯以之為君。其源本諸麻黃升麻湯。深得仲景之

奧。時珍用治虛勞寒熱。疝瘡不足之證。用代參者。不寒不燥。

大有殊功。不止於去風熱溫毒而已。又主小便卒淋。發熱口

乾。眼黑頭眩。目赤澀痛。其性雖潤。而無傷犯脾胃。奪食泄瀉

之虞。但其性之緩耳。

知母 苦甘寒無毒。肥白者良。鹽酒炒用。

本經主消渴熱中。除邪氣。肢體浮腫。下水。補不足。益氣。

發明 知母沉降。入足少陰氣分。及足陽明手足太陰。能瀉

有餘相火。理消渴煩蒸。仲景白虎湯。酸棗湯皆用之。下則潤

腎燥而滋陰。上則清肺熱而除煩。但外感表證未除。瀉痢燥

渴忌之。脾胃虛熱人誤服。令人作瀉。減食。故虛損大忌。近世

誤為滋陰上劑。勞瘵神丹。因而天狂者多矣。本經言除邪氣

肢體浮腫。是指溼熱水氣而言。故下文云。下水補不足。益氣。

乃溼熱相火有餘。燥灼精氣之候。故用此清熱養陰。邪熱去

則正氣復矣。

肉蓯蓉 甘鹹微溫無毒。酒洗去甲及腐。切片焙用。

本經主五勞七傷。補中除莖中寒熱痛。養五藏。強陰益精氣。多子。婦人癥瘕。

發明。肉苳蓉與瑣陽總是一類。味厚性降。命門相火不足者宜之。峻補精血。驟用反動大便滑泄。本經主勞傷補中者。是火衰不能生土。非中氣之本虛也。治婦人癥瘕者。鹹能熨。堅而走血分也。又苳蓉止洩精遺瀝。除莖中寒熱痛。以其能下導虛火也。鎖陽治腰膝軟弱。以其能溫補精血也。總皆滋益相火之驗。老人燥結宜煮粥食之。但胃氣虛者服之。令人嘔吐泄瀉。強陽易興。而精不固者忌之。

天麻

本經名離母一名定風草莖名赤箭

辛平微溫無毒。溼紙裏煨熟切片

用。本經主殺鬼精物。蠱毒惡氣。久服益氣力。長陰肥健。

發明 天麻味辛濃厚。性升屬陽。爲肝家氣分藥。故肝虛不足。風從內生者。天麻芎藭以補之。諸風掉眩。眼黑頭旋。風虛內作。非天麻不治。小兒驚痰風熱。服天麻卽消。天麻乃定風草。久服則遍身發出紅斑。是驅風之驗也。按天麻性雖不燥。畢竟風劑。若血虛無風。火炎頭痛。口乾便閉者。不可妄投。本經言殺鬼精物。蠱毒惡氣者。以其能定風。鎮八方之邪氣也。久服益氣力。長陰肥健者。其性屬陽。陽生則陰長也。

白朮

一名山薑

甘溫無毒。雲朮肥大氣壅。台朮條細力薄。寧

國狗頭朮皮赤稍大。然皆栽灌而成。故其氣濁。不若於潛野生者氣清。無壅滯之患。○入諸補氣藥。飯上蒸數次用。入肺

胃久嗽藥。蜜水拌蒸。入脾胃痰溼藥。薑汁拌晒。入健脾藥土炒。入瀉痢虛脫藥。炒存性用。入風痺痰溼利水破血藥。俱生

用。然非於潛產者不可生用也。

本經主風寒溼痺。死肌痲疽。止汗除熱。消食。作煎餌。久服輕身。延年不饑。

發明 白朮甘溫味厚。陽中之陰。可升可降。入脾胃二經。生

用則有除溼益燥。消痰利水。治風寒溼痺。死肌痲疽。散腰臍間血。及衝脈爲病。逆氣裡急之功。製熟則有和中補氣。止渴生津。止汗除熱。進飲食安胎之効。本經主風寒溼痺。死肌痲疽者。正以風寒溼三者合而成痺。痺者拘攣而痛是也。經曰。地之溼氣感。則害人皮肉筋骨。死肌者。溼毒侵肌肉也。痲者。風寒乘虛客於肝脾腎經所致也。疽者。脾胃虛而溼熱瘀滯也。如上諸證。莫不由風寒溼而成。朮有除此三者之功。故能祛其所致之疾也。止汗除溼。進食者。溼熱盛則自汗。溼邪客

則發熱溼去則脾胃燥燥則食自消汗自止熱自除矣又主  
大風在身而風眩頭痛目淚出消痰水逐皮膚間風水結腫  
除心下急滿及霍亂吐下不止利腰臍間血益津煖胃消穀  
噉食得參苓大補中氣得枳橘健運飲食本經言消食作煎  
餌留其滓以健運脾氣食自化矣仲景五苓散祖素問澤木  
麋銜湯並用生者但彼兼麋銜以統血則汗自止此兼桂枝  
以通津則渴自除潔古枳朮丸祖金匱枳實湯彼用生者以  
健胃則逆滿自愈此用熟者以助脾則飲食自強且以荷葉  
裹飯爲丸取清震之氣以鼓尅運之力也蓋白朮得中宮冲  
和之氣補脾胃藥以之爲君脾土旺則清氣升而精微上濁  
氣降而糟粕輸仲淳有云白朮稟純陽之土氣除邪之功勝  
而益陰之效虧故病屬陰虛血少精不足內熱骨蒸口乾脣



燥欬吐痰吐血鼻衄齒衄便閉滯下者法咸忌之木燥腎而閉氣肝腎有動氣者勿服劉涓子云癰疽忌白朮以其燥腎而閉氣故反生膿作痛也凡藏皆屬陰世人但知白朮能健脾寧知脾虛而無溼邪者用之反燥脾家津液是損脾陰也何補之有此最易誤故特表而出之

蒼朮

本經名山薊

苦辛溫無毒產茅山者味甘形瘦多毛最良

吳郡諸山者次之楚中大塊辛烈氣燥者為下製用糯米泔浸刮去皮切片同芝麻炒或麻油炒通黃去焦末或去皮切片蜜水拌飯上蒸用又白露後以泔水淨置屋上晒露一月謂之神朮

本經主風寒溼痺死肌癰疽

發明 蒼朮辛烈性溫而燥可升可降能徑入諸經疎泄陽

明之溼而安太陰。辟時行惡氣。因經泔浸炒。故能除上溼發汗。與白朮止汗則異。腹中窄狹者須之。本經治風寒溼痺。死肌痠疽等證。總取性專開腠。故能發汗而去風寒溼氣。祛溼而去死肌。痠疽下氣而消痰食。飲癖又能總解諸鬱。佐以香附快氣之藥。下氣最速。一升一降。則鬱散而氣平也。脾精不禁。淋濁不止。腰背痠疼。用以斂脾津。津生於穀氣也。同黃蘗爲二妙。治下部溼熱疼腫。又蒼朮一味麻油製過爲末。煮大棗肉爲丸。治脇下飲癖。許叔微患飲癖三十年。始因少年夜坐寫文。左向伏几。是以飲食多墜左邊。飲酒止從左下有聲。脇痛食減嘈雜。飲酒半杯卽止。十數日必嘔酸水。暑月左半身絕無汗。服雄附礬石牽牛遂戟等皆無効。自揣必有癖囊。如水之有窠臼。不盈科不行。乃悉屏諸藥。以前丸服三月而

疾除。暑月汗亦周身。燈下能書細字。皆蒼朮之力也。然惟素稟肥盛多溼者為宜。若形瘦多火者禁用。○其神朮已經露製。轉燥為清。用以發散上部頭風痰溼諸證。故治時行頭痛有神朮湯。此得制度之妙也。

狗脊

本經名百枝

苦平微溫無毒。酒浸炒去毛用。

本經主腰背強。關機緩急。周痺寒溼膝痛。頗利老人。

發明 狗脊為強筋骨要藥。故本經主腰背強。周痺寒溼等

疾。頗利老人者。補益腎氣而堅強筋骨也。其性味形類與草

薺相似。而功用亦不甚相遠。四寶丹用金毛狗脊去毛。鹽泥

固濟煨紅。蘇木草薺川烏頭生用。等分為末。醋和丸。溫酒鹽

湯下二十九。治男婦毒風脚軟。腎氣虛弱。又病後足腫。煎湯

洗効。

貫衆

別錄名  
草鳩頭

苦微寒有毒

本經主腹中邪熱氣諸毒殺三蟲

發明 貫衆苦寒而降辟時行疫癘不正之氣疫發之時以

此藥置水食之則不傳染且能解毒更堅治婦人血氣本經

治腹中邪熱氣諸毒以其性專散結積諸毒而蟲積皆由溼

熱所生苦寒能除溼熱故亦主之王海藏治夏月痘出不快

快斑散用之云貫衆有毒而能解腹中邪熱殺三蟲病從內

發者多効王璆百一選方言食鯉魚羹為肋骨所鯁百藥不

効或令以貫衆煎濃汁連進一咯而出可見軟堅之功不但

治瘡治血而已病人虛寒無實熱者勿服

巴戟天 辛甘微温無毒酒浸去心焙用川產者良

本經主大風邪氣陰痿不起強筋骨安五藏補中增志益氣

發明。巴戟天。嚴冬不凋。腎經血分及衝脈藥也。故守真地黃飲子用之。卽水經治大風邪氣之謂。以其性補元陽而兼散邪。真元得補。邪安所留。是以可愈大風邪氣也。王陰痿不起。強筋骨。安五藏。補中增志。益氣者。脾胃二經得所養。而諸虛自瘥矣。又治脚氣。補血海。病人虛寒。加用之。有人嗜酒。患脚氣甚危。或教以巴戟半兩。糯米同炒去米。大黃一兩炒爲末。熟蜜丸。溫水下七十丸。仍禁酒。遂愈。惟陰虛相火熾盛者。禁用。

遠志

苗名  
小草

辛苦溫無毒。甘草湯泡去骨。製過不可陳久。久

則油氣戟人喉。

本經主欬逆傷中。補不足。除邪氣。利九竅。益智慧。耳目聰明。不忘。強志倍力。久服輕身不老。

發明。遠志入足少陰腎經。氣分。非心經藥也。專於強志益精。主夢泄。益精與志。皆腎所藏。腎氣充。九竅利。智慧生。耳目聰明。邪氣不能爲害。腎氣不足。則志氣衰。不能上通於心。故迷惑善忘。不能閉蟄封藏。故精氣不固也。小便赤濁。用遠志甘草茯神益智爲丸。棗湯服。効。取其爲陰火之嚮導也。昔人治喉痺失音。作痛。遠志末吹之。涎出爲度。取其通腎氣而開竅也。又治婦人血噤失音。及一切癰疽。搐鼻治腦風。殺烏附毒。惟水虧相火旺者。禁服。以其善鼓龍雷之性也。本經言治欬逆傷中。詳遠志性溫助火。非欬逆所宜。當是嘔逆之誤。以其性稟純陽。善通諸竅。竅利則耳目聰明。強志不忘。皆益腎氣之驗。別錄云。去心下膈氣。非嘔逆之類乎。一切陰虛火旺。便濁遺精。喉痺腫痛。慎用。苗名小草。亦能利竅。兼散少陰風。

注釋似未的有

氣之結也。

淫羊藿

一略仙靈膠

辛溫無毒。羊脂或酒炒用。

本經主陰痿絕傷。莖中痛。利小便。益氣力。強志。

發明 淫羊藿手足陽明三焦命門藥也。辛以潤腎。溫以助

陽。故本經治陰痿絕傷等證。真陽不足者宜之。堅筋骨。消瘰

癧。一切冷風勞氣。筋骨攣急。四肢不仁。補腰膝。強氣力。一味

仙靈脾酒為偏風不遂之要藥。惟陰虛走精。強陽不痿。禁服。

仙茅 辛溫有毒。忌犯鐵器。酒浸焙乾用。

發明 仙茅性熱。補三焦命門之藥。惟陽衰精冷。下元痿弱。

老人失溺無子。男子稟賦素虛者宜之。若體壯相火熾盛者

服之。反能動火。為害叵測。按醫說云。一人中仙茅毒。舌脹出

口。漸大與肩齊。以小刀斫之。隨破隨合。斫至百數。始有血一

點出曰可救矣。煑大黃芒硝與服。以藥搽之。應手消縮。此皆火盛性淫之人過服之害也。然川產者少。僞充者多。不可不辯。

玄參

一名黑參

苦微寒無毒。反藜蘆。

本經主腹中寒熱積聚。女子產乳餘疾。補腎氣。令人明目。發明黑參入足少陰腎經。主腎水受傷。真陰失守。孤陽無根。亢而僭逆。咽喉腫痛之專藥。又治傷寒陽毒。汗下不解。發斑咽痛。心下懊懣。煩不得眠。心神顛倒欲絕者俱用。玄參專清上焦氤氳之氣。無根之火。本經治腹中寒熱積聚。女子產乳餘疾。并可清有形熱滯。故消瘰癧結核。治目赤痛腫。本經又云。補腎氣。令人明目。不特治暴赤腫痛。總皆散結清火之驗也。但其性寒滑。脾虛泄瀉者禁用。



地榆 苦澁微寒無毒。去稍酒拌炒黑用。

本經主婦人乳產瘕痛。七傷帶下五漏。止痛止汗。除惡肉。療

金瘡。

發明 地榆入足厥陰。兼行手足陽明。體沉而降。善入下焦

理血。本經主乳產瘕痛。七傷帶下五漏者。是指去血過多。肝

風内生之象。又云止汗止痛。除惡肉。療金瘡者。以其能和血

也。若氣虛下陷而崩帶。及久痢膿血。瘀晦不鮮者。又為切禁。

性能傷胃。誤服多致口噤不食。又諸瘡痛者。加地榆。癢者加

黃芩。以其能散血熱也。燒灰香油調敷。火燙乃借火氣引散

血中之火毒耳。稍專行血。不可混用。

丹參 苦平微溫無毒。酒炒用。反藜蘆。

本經主心腹邪氣。腸鳴幽幽如走水。寒熱積聚。破癥除瘕。止

煩滿益氣

發明 丹參氣平而降。心與包絡血分藥也。本經治心腹邪

氣。腸鳴幽幽如走水等疾。皆瘀血內滯。而化為水之候。止煩

滿益氣者。瘀積去而煩滿愈。正氣復也。按四物湯治婦人病。

不問胎前產後。經水多少。皆可通用。惟一味丹參散。主治與

之相同。蓋丹參能破宿血。生新血。安生胎。落死胎。止崩中帶

下。調經脉之神品。然其性長於行血。妊娠無故勿服。大便不

實者忌之。

紫參

即牡蒙又名章腸。三四月間遍地草。生高三五寸。逐層起臺。開紫花者是也。

苦辛寒無毒。

及蒸蘆

本經主心腹積聚。寒熱邪氣。通九竅。利大小便。

發明 紫參入足厥陰。兼入足太陽陽明血分。故治諸血病。

及寒熱血痢。癰腫積塊。卽本經治心腹積聚。寒熱邪氣之謂。瘀血去則九竅利而二便通矣。古方治婦人腸覃烏喙丸中用牡蒙卽紫參也。仲景治下痢肺痛用紫參湯。取其散積血也。但市人罕識其真。詳痢下肺痛皆胸中氣結之故。每以紫菀代之。雖氣味之寒溫不同。疎利之性則一。

紫草 甘鹹寒無毒。色深紫而脆者良。淡紫質堅者曰紫梗。不入藥。

本經主心腹邪氣五癰。補中益氣。利九竅。

發明 紫草入心胞絡及肝經血分。其功專於涼血活血。利大小腸。故痘疹欲出未出血熱毒盛大便閉澀。色乾枯而毒不得越者宜之。已出而紫黑便閉者亦可用。蓋紫草涼血血涼則毒出。世俗誤以爲宜發之藥非也。若已出而色紅活者

不宜。或白陷及大小便利者忌之。本經言治心腹邪氣五癰者。乃活血利竅之義。發瘧即活血利竅之大端也。言補中益氣者。營血和則中氣受益矣。

白頭翁

一名野丈人

苦微寒無毒。產齊魯。苗長葉白者力優。生

柴胡中短小者力薄。得酒良。

本經主溫瘧狂狷寒熱癥瘕積聚瘦氣逐血止腹痛療金瘡。

發明

白頭翁味苦微寒。入手足陽明血分。本經言苦溫者。

傳寫之誤也。其治溫瘧狂狷寒熱等症。皆少陽陽明熱邪固

結之病。結散則積血去而腹痛止矣。別錄止鼻衄。弘景止毒

痢。亦是熱毒入傷血分之候。仲景治熱痢下重。有白頭翁湯。

蓋腎欲堅。急食苦以堅之。痢則下焦虛。故以純苦之劑堅之。

男子陰疝偏墜。小兒頭禿鼻衄。及熱毒下痢紫血鮮血。用此

並効。但胃虛大便完穀不化痢久下稀淡血水者勿服。以其苦寒降泄也。

白及 苦辛平微寒無毒反烏附。

本經主癰腫惡瘡敗疽傷陰死肌胃中邪氣賊風鬼擊痲緩不收。

發明 白及性瀋而收得秋金之氣故能入肺止血生肌治

瘡本經主敗疽傷陰死肌皆熱壅血傷胃中邪氣亦邪熱也

賊風痲緩皆血分有熱溼熱傷陰所致也其治吐血咯血為

其性斂也。用此為末米飲服之即止。誠血法。吐水盆內浮者

肺血沉者肝血半浮半沉者心血各隨所見以羊肺肝心煮

熟蘸白及末每日食之其治金瘡及癰疽方多用之。

三七

綱目名山漆一名金不換

甘微苦溫無毒

廣產形如人參者是有節者非

發明 時珍云此藥近時始出南人軍中。用爲金刃箭瘡要藥。止血散血定痛。爲末摻之。吐血衄血崩中下血血痢。產後惡血不下。並宜服之。凡杖撲傷損。瘀血淋漓者。隨卽嚼爛罨之。青腫者卽消。若受杖時。先服一二錢。則血不衝心。杖後尤宜服之。此陽明厥陰血分之藥。故能治一切血病。獨用研服尤良。取其專力也。一種庭砌栽植者。以苗搗敷腫毒卽消。亦取散血之意。

黃連 苦寒無毒。產川中者。中空色正黃。截開分瓣者爲上。雲南水連次之。日本吳楚爲下。治心藏火生用。治肝膽實火。猪膽汁炒。治肝膽虛火。醋炒褐色。治上焦火。酒炒。中焦火。薑汁炒。下焦火。鹽水炒。氣分鬱結肝火。煎吳茱萸湯炒。血分塊中伏火。同乾漆末炒。食積火。黃土拌炒。解附子巴豆輕粉。

毒忌豬肉。

本經主熱氣目痛。背傷泣出。明目。腸澼腹痛下痢。婦人陰中腫痛。

發明 黃連性寒味苦。氣薄味厚。降多升少。入手少陰厥陰。苦入心。心寒勝熱。黃連大黃之苦寒。以導心下之實熱。去心竅惡血。仲景九種心下痞。五等瀉心湯。皆用之。瀉心者。其實瀉。實則瀉。其子也。下痢胃口虛熱口噤者。黃連人參煎湯。時時呷之。如吐再飲。但得一呷下咽便好。諸苦寒藥多瀉。惟黃連芩檉性寒而燥。能降火去溼止瀉痢。故血痢以之爲君。今人但見腸虛滲泄。微似有血。不顧寒熱多少。便用黃連。由是多致危殆。至於虛冷白痢。及先瀉後痢之虛寒證。誤用致死者多矣。諸痛瘍瘡。皆屬心火。眼暴赤腫。痛不可忍。亦屬心火。

兼挾肝邪。俱宜黃連當歸。治痢及目爲要藥。故本經首言治熱氣目痛。及腸澼腹痛之患。取苦燥之性。以清頭目。堅腸胃。祛溼熱也。婦人陰中腫痛。亦是溼熱爲患。尤宜以苦燥之。古方治痢香連丸。用黃連木香。薑連散用乾薑黃連。佐金丸用黃連吳茱萸。治消渴用酒蒸黃連。治口瘡用細辛黃連。治下血用黃連葫蒜。皆是寒因熱用。熱因寒用。而無偏勝之害。然苦寒之劑。中病卽止。豈可使肅殺之令常行。而伐生發冲和之氣乎。醫經有久服黃連苦參反熱之說。此性雖寒。其味至苦。入胃則先歸於心。久而不亡。心火偏勝則熱。乃其理也。近代庸流喜用黃連爲清劑。殊不知黃連瀉實火。若虛火而妄投。反傷中氣。陰火愈逆。上無制矣。故陰虛煩熱。脾虛泄瀉。五更腎泄。婦人產後血虛煩熱。小兒痘疹氣虛作瀉。及行漿後。



泄瀉並皆禁用。

胡黃連 苦大寒無毒。忌豬肉。犯之令人漏精。

發明 胡黃連苦寒而降。大伐藏府骨髓邪熱。除婦人胎蒸。

小兒疳熱。積氣之峻藥。同烏梅止小兒血痢。同雞肝治小兒

疳眼。同豬胰療楊梅瘡毒。同乾薑治菓子積。皆取伐肝腎熱

邪也。小兒腎氣本實。故可當此。若脾胃腎藏不足者服之。奪

人天元。為害不淺。惟織瘡用胡黃連。當歸甘草猪脰水酒煎

服。二劑輒効。以其直達下焦。善搜淫火之毒也。

黃芩 苦寒無毒。中空者為枯芩。入肺。細實者為子芩。入木

腸。並煮熟酒炒用。

本經主諸熱黃瘧。腸澼泄利。逐水下血閉。治惡瘡疽蝕。火瘍。

發明 黃芩苦燥而堅腸胃。故溼熱黃瘧。腸澼瀉痢。為必用

之藥。其枯芩性升。入手太陰經。清肌表之熱。條芩性降。瀉肝膽大腸之火。除胃中熱。得酒炒上行。主膈上諸熱。得芍藥甘草。治下痢膿血。腹痛後重身熱。佐黃連治諸瘡痛不可忍。同黑參治喉間腥臭。助白朮安胎。蓋黃芩能清熱涼血。白朮能補脾統血也。此惟胎熱升動不寧者宜之。胎寒下墜及食少便澹者慎毋混用。丹溪言黃芩治三焦火。仲景治傷寒少陽證。用小柴胡湯。汗下不解。胸滿心煩。用柴胡桂薑湯。溫病用黃芩湯。太陽少陽合病。用葛根黃芩黃連湯。心下痞滿。用瀉心湯。寒格吐逆。用乾薑黃芩黃連人參湯等方。皆用黃芩以治表裏諸熱。使邪從小腸而泄。皆本經主諸熱之綱旨。其黃瘧腸澼瀉痢之治。取苦寒以去溼熱也。逐水下血閉者。火鬱血熱之所致。火降則血行。水下而閉自通矣。昔人以柴胡去

熱不及黃芩。蓋柴胡專主少陽往來寒熱。少陽爲樞。非柴胡不能宣通中外。黃芩專主陽明蒸熱。陽明居中。非黃芩不能開泄蘊隆。一主風水客邪。一主溼土蘊著。詎可混論。芩雖苦寒。畢竟治標之藥。惟軀殼熱者宜之。若陰虛伏熱。虛陽發露。可輕試乎。其條實者兼行衝脈。治血熱妄行。古方有一味子芩丸。治女人血熱。經水暴下不止者最効。若血虛發熱。腎虛挾寒。及妊娠胎寒下墜。脈遲小弱皆不可用。以其苦寒而伐生發之氣也。

秦芩 苦平微溫無毒。雷公云左文列爲秦。治溼病。右文列爲芩。發脚氣。今藥肆多右文者。慎勿混用。本經主寒熱邪氣。寒溼風痺。肢節痛。下水利小便。發明 秦芩陰中微陽。可升可降。入手足陽明。以其去溼也。

兼入肝膽以其治風也。故手足不遂。黃痺酒毒。及婦人帶疾。須之。陽明有溼。則身體痠痛。肢節煩疼。及攣急不遂。有熱則日晡潮熱。用以祛風勝溼則愈。凡痛有寒熱。或浮腫者。多挾客邪。用此以祛風利溼。方爲合劑。故本經治寒熱邪氣。寒溼風痺。肢節痛等證。若久痛虛羸。血氣不能營養肢體而痛。及下體虛寒。疼痠枯瘦等病。而小便清利者。咸非秦艸所宜。今庸師喜用秦艸。且不辨左文右文。凡遇痛證。動輒用之。失其旨矣。

柴胡

卽此胡

苦平無毒。入解表藥。生用。清肝炒熟用。

本經主心腹腸胃中結氣。飲食積聚。寒熱邪氣。推陳致新。明

目益精。

發明。柴胡能引清陽之氣。從左上升。足少陽膽經之藥。膽

爲清淨之府。無出無入。禁汗吐下。惟宜和解。以其經居半表半裏。本經治心腹腸胃結氣。飲食積聚。寒熱邪氣。使清陽之氣上升。而胃中留結宿滯。亦得解散矣。仲景治傷寒寒熱往來。脇痛耳聾。婦人熱入血室。皆爲必用。小兒五疳羸熱。諸瘡寒熱。咸宜用之。痘疹見點後有寒熱。或脇下疼熱。於透表藥內用之。不使熱留少陽經中。則將來無咬牙之患。虛勞寒熱。多有可用者。勞有五藏。病在五藏。若勞在肝膽心包絡有熱。或少陽經寒熱。則柴胡爲必用藥。勞在脾胃有熱。或陽氣下降。則柴胡乃引清氣退熱之藥。惟勞在肺腎者不可用。東垣補中益氣用之者。乃引肝膽清陽之氣上行。兼升達參耆之力耳。瘡疽用之者。散諸經血結氣聚也。今人以細者名小柴胡。不知小柴胡乃湯名也。若大柴胡湯。而用銀州者可乎。按

柴胡爲少陽經藥。病在太陽服之太早。則引寇入門。病在陰經用之。則重傷其表。誤人不可勝數。其性升發。病人虛而氣升者。忌之。嘔吐及陰火炎上者。勿服。若陰虛骨蒸服之。助其虛陽上逆。勢必耗盡真陰而後已。奈何操司命之權者。多所未悟也。

銀柴胡 甘微寒無毒。銀州者良。今延安府五原城所產者。長尺餘。肥白而軟。北地產者。如前胡而軟。今人謂之北柴胡。勿令犯火。犯火則不效。

發明 銀柴胡行足陽明少陰。其性味與石斛不甚相遠。不獨清熱兼能涼血。和劑局方治上下諸血。龍腦雞蘇丸中用之。凡入虛勞方中。惟銀州者爲宜。若用北柴胡。升動虛陽。發熱喘嗽。愈無寧宇。可不辯而混用乎。按柴胡條下。本經推陳

致新。明自益精。皆指銀夏者而言。非北柴所能也。

前胡 苦微寒無毒。甄權曰甘辛平無毒。白色者良。去尾用。

發明 前胡入手足太陰陽明少陽。其功長於下氣。故能治

痰熱喘嗽痞膈諸疾。氣下則火降。痰亦降矣。為痰氣之要味。

治傷寒寒熱及時氣內外俱熱。按二胡通為風藥。但柴胡主

升。前胡主降。有不同耳。又按前胡治氣實風痰。凡陰虛火動

之痰。及不因外感而有痰者禁用。

防風 甘辛溫無毒。義頭者令人煩喘。義尾者發人痼疾。

本經主大風頭眩痛惡風風邪目盲無所見。風行周身骨節

疼痛。

發明 防風浮而升陽也。入手太陽陽明少陽厥陰。兼通足

太陽。治風去溼之仙藥。以風能勝溼也。其治大風頭眩痛惡

風風邪等病。其性上行。故治上盛風邪。瀉肺實喘滿。及周身痺痛。四肢攣急。目盲無所見。風眼冷淚。總不出本經主治也。防風治一身盡痛。乃卒伍卑賤之職。隨所引而至。風藥中潤劑也。若補脾胃。非此引用不能行。蓋於土中瀉木也。凡脊痛項強。不可回顧。腰似折。項似拔者。乃手足太陽證。正當用之。凡瘡在胸膈已上者。雖無手足太陽證。亦當用防風。爲能散結。去上部風熱也。經驗方治婦人風入胞門。崩中不止。獨聖散用一味防風。麩糊酒調丸服。然惟血色清稀。而脈浮弦者爲宜。如血色濃赤。脈來數者。又屬一味子芩丸證。不可混也。惟肺虛有汗喘乏。及氣升作嘔。火升發嗽。陰虛盜汗。陽虛自汗者。勿服。婦人產後血虛發瘧。嬰兒瀉後脾虛發搐。咸爲切禁。



獨活 辛苦微溫無毒。香而紫黑者真。

本經主風寒所擊。金瘡止痛。奔豚癰瘕。女子疝瘕。

發明 獨活不搖風而治風。浮萍不沈水而治水。因其所勝

而為製也。本經治金瘡為風寒所擊而痛。及賁豚癰瘕。女子

疝瘕。皆邪風內賊之候。獨活生益州。較羌活其氣稍細。升中

有降。能通達周身。而散風勝溼。與細辛同用。治厥陰頭痛。日

眩。又足少陰經伏風頭痛。兩足溼痺。不能動止者。非此不治。

甄權以獨活治諸風溼冷。奔喘逆氣。皮膚苦癢。手足攣痛。勞

損風毒齒痛。皆風溼相搏之病也。但氣血虛而遍身痛。及陰

虛下體痿弱者。禁用。南方無剛猛之風。一切虛風類中。咸非

獨活所宜。

羌活 苦辛溫無毒。香而色紫者良。

大經... 羌活... 五十四... 羌活

發明 羌活生於羌胡。雍州隴西。西川皆有之。治足太陽風溼相搏。一身盡痛。頭痛肢節痛。目赤膚癢。乃却亂反正之主帥。督脉爲病。脊強而厥者。非此不能除。甄權以羌活治賊風失音。不語多癢。手足不遂。口面喎斜。癩痺血癩。皆風中血脉之病也。蘇恭曰。療風宜用獨活。兼水宜用羌活。風能勝溼。故羌活能治水溼。與芎藭同用。治太陽厥陰頭痛。發汗散表。透關利節。非時感冒之仙藥也。但內傷元氣。血虛頭痛。及遍身肢節痛。皆非所宜。昔人治勞力感寒。於補中益氣湯中用之。深得補中寓瀉之意。

升麻 甘苦平無毒。忌見火。解葚苔毒。

本經辟瘟疫瘴氣。邪氣蠱毒。入口皆吐出。中惡腹痛。時氣毒瀉。頭痛。寒熱風腫。諸毒。喉痛。口瘡。

發明 升麻能引清氣右升。足陽明本藥也。本經治疫瘴蟲  
毒。取性升上行也。治中惡腹痛。取開發胃氣也。治喉痛口瘡  
者。取升散少陽陽明火熱也。同葛根則發散陽明風邪。同柴  
胡則升提胃中清氣。引甘溫之藥上升。故元氣下陷者。用此  
於陰中升陽。以緩帶脈之縮急。凡胃虛傷冷。鬱遏陽氣於脾  
土。宜升麻葛根以升散其火鬱。故補脾胃藥。非此引用不効。  
脾痺非此不除。升麻葛根湯。乃陽明發散藥。若初病太陽便  
服之。發動其邪。必傳陽明。反成其害也。又升麻葛根能發痘。  
惟初發熱時可用。見點後忌服。爲其氣升。發動熱毒於上。爲  
害莫測。而麻疹尤爲切禁。誤投喘滿立至。按升麻屬陽性升。  
力能扶助陽氣。捍禦陰邪。故於淋帶瀉痢脫肛方用之。取其  
升舉清陽於上也。古方治噤口痢。用醋炒升麻。引人參蓮肉。

扶胃進食。大有神効。凡上盛下虛吐血衄血。欬嗽多痰。陰虛火動。氣逆嘔吐。怔忡癲狂諸證。皆在所禁。

苦參 苦寒無毒。反藜蘆。

本經主心腹結氣。癥瘕積聚。黃瘰。溺有餘瀝。逐水除癰腫。補中明目止淚。

發明 苦參黃蘗之苦寒下降。皆能益腎。蓋取其苦燥溼寒除熱也。熱生風。溼生蟲。故又能治風殺蟲。惟腎水燥而相火勝者宜之。若脾胃虛而飲食減少。肝腎虛而火衰精冷。及年高之人。不可用也。久服苦參多致腰重。因其性降而不升也。觀本經主治。皆溼熱爲患之病。詳補中當是補陰之誤。以其能除溼熱。溼熱去而陰自復。日自明矣。然惟溼熱者宜之。沈存中苦腰重。久坐不能行。此因病齒痛數年。用苦參揩齒。其

氣味入齒傷腎所致也。後施昭先亦用苦參措齒。歲久亦病腰重。自後悉不用之。腰疾皆愈。或云苦參既能補陰明目。何久服反病腰重乎。殊不知苦寒之性直入心腎。內有溼熱者足以當之。始得之則有輔陰祛邪之力。清熱明目之功。溼熱既去。而又服之。必致苦寒傷腎。腰重脚弱。在所不免。理固然也。何疑之有。

白蘚皮

一名白羊鮮

苦鹹寒無毒

本經主頭風黃癩。欬逆淋瀝。女子陰中腫痛。溼痺死肌。不可屈伸。起止行步。

發明 白蘚皮氣寒善行。味苦性燥。足太陰陽明經去風溼熱藥也。兼入手太陰陽明。為諸黃風痺要藥。本經所主皆風溼熱邪。蘊釀經中之病。千金治嬰兒風癩。熱則生風。胸中有

痰白羊鮮湯取其善祛風熱也。世醫祇施之於瘡科淺矣。下部虛寒之人雖有溼證勿用。

延胡索 即玄胡索 苦辛溫無毒。上部酒炒中部醋炒下部鹽水炒。

發明

延胡索色黃入脾胃能活血止痛。治小便溺血得五

靈脂同入肝經散血破滯。炮炙論曰心痛欲死急覓延胡以

其能散胃脫氣血滯痛也。蓋當歸芍藥調腹中血虛痛延胡

五靈治胸腹血滯痛。又延胡善行血中氣滯氣中血滯與當

歸柱心治一身上下諸痛及經突不調產後血病往往獨行

多功。雜他藥中便緩。按延胡走而不守。惟有瘀滯者宜之。若

經事先期虛而崩漏產後血虛而暈咸非所宜。

貝母 甘苦平微寒無毒反烏頭川者味甘最佳西者味薄

次之。象山者微苦又次之。一種大而苦者。僅能解毒。並去心  
用。凡肺經藥。皆當去心。不獨貝母也。其獨類無鱗者。名丹龍  
睛。誤服令人筋不收持。

本經主傷寒煩熱淋瀝邪氣。疝瘕喉痺乳難。金瘡風瘰。

發明 貝母乃手太陰肺經氣分藥。兼入手少陰心經。一名

蠶。鄴風言采其蠶。善解心胸鬱結之氣。故詩人以此寓焉。肺

受心包火乘。因而生痰。或為邪熱所干。喘嗽煩悶。非此莫治。

詳本經主傷寒煩熱者。甘寒能解煩熱也。淋瀝者。熱結二腸

也。清心肺鬱熱。而淋瀝通矣。疝瘕者。足厥陰之邪干手厥陰

也。經曰。診得心脈搏滑急。為心疝。少腹當有形也。喉痺者。熱

鬱結於上也。經云一陰一陽結。謂之喉痺。心王三焦之脈。皆

絡於喉也。乳難者。鬱熱結於手足厥陰也。風瘰者。金瘡熱鬱

生風而成瘧。總取解散鬱結之邪也。仲景治傷寒寒實結胸外無熱證者。小陷胸湯主之。白散亦可。二方一主熱痰內結。一主寒實內積。雖同一例。治不可混也。俗以半夏性燥。用貝母代之。不知貝母寒潤。治肺家燥痰。痰因鬱結者宜之。半夏性燥。治脾胃溼痰。痰因溼滯者宜之。二者天淵。何可代用。若虛勞欬嗽。吐血咯血。肺痿肺癰。癰疽及諸鬱火證。半夏乃禁忌。皆貝母爲嚮導也。至於脾胃濕熱。涎化爲痰。久則生火。生痰。上攻昏憤。僵仆蹇澹。諸證。生死旦夕。豈貝母可治乎。浙產者。治疝瘕喉痺。乳難。金瘡風瘕。一切癰瘍。又同苦參當歸。治妊娠小便難。同青黛。治人面惡瘡。同連翹。治項上結核。皆取其開鬱散結。化痰解毒之功也。

山慈姑 金燈花根也。九月開花。朱色。與葉不相見。故又名無義草。

甘微辛。小毒。



發明 山慈姑攻堅解毒。治癰腫瘡癩。瘰癧結核等證。紫金錠用之。亦是解諸毒耳。丹方治面上癩痕。用山慈姑末和輕粉。礪砂末各少許。先用鹼水筆塗患處。次摻上藥。太乙膏蓋日易一次。俟疣瘡消盡後。以鷹屎白密陀僧末蜜水調護。數日勿見風日效。惟眼胞上者不可治。以其取動不輟也。

白茅根

一名地筋

甘寒無毒。與百脉根相類。百脉根出巴西。他處罕得。

本經主勞傷虛羸。補中益氣。除瘀血。血閉寒熱。利小便。

發明 甘寒能降除伏熱。利小便止渴。治傷寒呃逆喘噦。主

吐衄便溺諸血。治黃癰水腫。胃反上氣。五淋疼熱。及痘瘡乾

紫不起。但嘔逆吐衄。亦有因於寒者。卽非所宜。本經主治勞

傷虛羸者。以甘寒能滋虛熱。而無傷犯胃氣之虞也。言補中

益氣胃熱去而中氣復。是指客邪入傷中州。漸成虛羸而言。非勞傷本病所宜。昔人攷本草功用。言白茅根與百脈根相類。今肅州不行歲貢。百脈根無從可得。而止渴去熱之用。白茅根裕如也。其茅花甘溫。色白輕虛。力能上升入肺。散熱止衄。屋上敗茅。研傅斑瘡溼爛。取其收溼之力也。

草龍膽 苦瀉大寒小毒。去盧或酒炒。或甘草湯浸一宿用。

凡用勿空腹服。令人小便不禁。

本經主骨間寒熱。驚癇邪氣。續絕傷。定五藏。殺蠱毒。

發明 草龍膽苦寒沉降。主肝經邪熱。下焦溼熱。酒癰黃腫。

日病赤腫瘰肉。小兒肝氣。去腸中小蟲。益肝膽溼熱。取苦寒。

以瀉之。時珍曰。相火寄在肝膽。有瀉無補。故瀉肝膽之熱。正。

益肝膽之氣。但大苦大寒。過傷胃中生發之氣。反助火邪。亦。

如久服黃連。反從火化之義。本經主骨間寒熱。是指熱傷腎水而言。熱極生風。則發驚搐。重則變為癇病。溼熱邪氣之中下二焦者。非此不除。以其專伐肝膽之邪也。肝膽之邪去。而五藏安和。經脈之絕傷續矣。殺蠱毒者。去溼熱之患也。凡胃氣虛人服之必嘔。脾虛人服之必瀉。雖有溼熱。慎勿輕用。細辛。辛溫無毒。產華陰及遼東者良。反藜蘆。本經主欬逆頭痛腦痛。百節拘攣。風溼痺痛死肌。明目利九竅。

發明。細辛辛溫上升。入手足厥陰少陰血分。治督脈為病。脊強而厥。本經治欬逆頭痛腦痛。善搜厥陰伏匿之邪也。獨活為使。治少陰頭痛如神。亦主諸陽頭痛。諸風藥用之。治風溼痺痛。百節拘攣。去死肌明目者。取辛以散結。而開經脈竅。

隊之邪也。味辛而熱。溫少陰之經。故仲景少陰證用麻黃附子細辛湯。辛溫能散。故凡風寒風溼頭痛口瘡喉痺齧齒諸病用之。取其能散浮熱。亦火鬱發之之義也。辛能泄肺。故風寒欬嗽上氣者宜之。辛能補肝。故膽氣不足。則肝氣有餘。驚癇眼目諸病宜之。辛能潤燥。故通少陰諸經。及耳竅閉塞者宜之。又主痰結溼火鼻塞不利。凡口舌生瘡者。用細辛黃連末摻之。凡血虛內熱。火鬱頭痛發熱欬嗽者。戒用。以其辛烈耗散真氣也。細辛辛之極者。用不過五分。

杜衡

俗名馬蹄香  
又名杜葵

辛溫無毒

發明 杜衡香竄與細辛相似。故藥肆以之代充細辛。亦能散頭目風寒。下氣消痰。行水破血。但其氣濁。不能搜滌少陰經中之寒。稍遜細辛一籌耳。

白微 苦鹹平無毒

本經主暴中風身熱肢滿。忽忽不知人。狂惑邪氣。寒熱痠疼。溫瘧洗洗發作有時。

發明 白微鹹平降泄。抑陽扶陰。爲足陽明經本藥。兼行足

少陰手太陰。本經主暴中風身熱肢滿。是熱鬱生風。痰隨火

湧。故令忽忽不知人。狂惑邪氣。寒熱痠疼。皆熱邪所致。溫瘧

乃冬時伏邪。至春而發。繆氏經疏言暑邪所傷。秋必發爲溫

瘧。恐非經旨。別錄療傷中淋露者。女子傷犯陰中營血。而成

淋露之疾。用以除熱益陰。則前證瘳矣。下水氣利陰氣者。總

取益陰之功。真陰益而邪水下。性善降泄。故久服利人。金匱

治婦人產中虛煩嘔逆。安中益氣竹皮丸中用之。千金治風

溫發汗後身灼熱。自汗身重多眠。鼻息必鼾。語言難出。萎蕤

湯中用之。又治婦人遺尿不拘胎前產後。有白微芍藥湯。取其有補陰之功。而兼行手太陰。以清膀胱之上原。殊非虛寒不禁之比也。古方多用治婦人者。以別錄有療傷中淋露之功也。凡胃虛少食泄瀉。及喘欬多汗。陽氣外泄者。禁用。

白前 甘辛微溫無毒。

發明 時珍曰。白前人。手太陰。長於降氣。肺氣壅實而有痰者。宜之。金匱治欬嗽而脈沉者。用澤漆湯。以中有白前也。深師治久嗽。上氣體腫。短氣倚息不得卧。常作水雞聲者。用白前湯。外臺治久嗽吐血。用白前。桔梗。桑白皮。甘草。皆取其下氣耳。若虛嗽常哽氣者。不可用也。白前較白微稍溫。較細辛稍平。專搜肺竅中風水。非若白微之鹹寒。專泄肺胃之燥熱。亦不似細辛之辛竄。能治腎肝之沉寒也。本經逢原卷一終。